

增訂吉林地理紀要

卷下目錄

永吉縣 沿革 形要

附錄 自開商埠緣由

打牲烏拉考

明季海西四考部

長春縣 沿革 形要

德惠縣 沿革 形要

農安縣 沿革 形要


附錄 志遼塔

長嶺縣 沿革 形要

乾安縣 沿革 形要

磐石縣 沿革 形要

樺甸縣 沿革 形要



滿外蒙縣境居江外屬東蒙哲里木盟郭爾羅斯前旂牧地民國初年直魯民遷墾漸多十三年始設蒙荒局於此十六年設乾安縣設治局官收荒價以一成充建設費四成五給蒙族四成五解部就全縣適中舊名官井地方又名長發屯設治全縣二百七十四整井形每井三十六方里三十五破井即不整方者故方里不一分割六區五鎮治城為第一區外為大饅頭哈吉林營子大坨子大木蘇哈里海坨子五鎮即區所所在每井大概即建為一村故縣境疆理最為完整清晰

(形要)全縣有池泊大木蘇池花曉池南而無河川亦無山脈平原

彌望曠蕩無垠東南環以蒙疆孤懸省境之外以農安西北境最與縣東南境近接但中

間仍隔蒙地二十餘里北接江省之大賚西北毘連遼省全邑縱橫二百數十里

乃連跨三省介居漢蒙之壤萑苻平治故自昔重視此後原野日

關交通日便亦省西藩衛也縣治迤東大道通過蒙地達扶除界百二十里西道至四洮路開通縣車站百然之趨勢重在西道六十里以交通上自惟土質乾燥水源缺乏大漠來風常挾砂而至欲農利之溥端藉造林為基礎焉

磐石縣西南距省三百里

縣治土名磨盤山治城北山頂有石如磨盤

(沿革)金回霸路之尼瑪察部後為回霸國

金史尼瑪察部人旺吉努築城回霸河邊因號

回霸明為扈倫族之輝發部

輝發即回霸音轉輝發故城在今磐石縣南輝發河濱屬遼寧省輝南縣界乃

輝發部建牙之所其城周圍僅半里許地址浮起埤牆之迹尙隱約可辨土人云陰雨之際往往望見故城白氣濛濛今於嶺上臨高約瞰全河在日此嶺高處曰茶尖站清高宗巡行過嶺曾打茶尖故名清初南境屬奉天圍場光緒八年

設磨盤山巡檢隸伊通州十三年裁設州同知二十八年改設磐石縣今

仍之

(形要) 境內山脈層疊俱東西橫斷旅行殊阻農產遜於旁邑

縣東輝發

河枝流區域澗水苦寒居民每患拘攣 惟地方開闢已逾一紀生聚繁庶省南稱最金

屬之鑛俱有發現

松咀嶺銅鑛夙有成蹟

自吉海鐵路告成與瀋海接軌此地

遂縮遼吉交通之轂比者省府定計開闢煙樺煙雙兩省省道東通樺

甸北達雙陽省南天產乃集中縣境烟筒山站人功建設轉移地利

之關繫不綦重歟

樺甸縣 南距省二百七十里

縣治土名官街先擬在縣北樺樹林子設治其地又稱樺皮甸子因以名縣

(沿革) 唐時渤海國主大祚榮為唐兵所敗東奔至輝發河松花江合流處之東牟山建國號曰震後移忽汗州(今甯安)金為赫舍哩

部金史赫舍哩部阻兵普嘉努以偏師夜抵石勒水擊破之考水在今縣南下匯松花江明為法河衛在縣後

屬白山國之訥音部縣境南扼頭二道江之匯口清史稱大小訥音河亦稱額赫訥音之野

清初概屬封禁地康熙十六年後長白山升祀山之四周千餘里間移墾創獲采珠伐木悉在禁例是禁地西南連接

奉天二十四圍今海龍東平各縣因又為山獸滋生之所清同治間韓氏効忠始啟山林光緒三

十四年建設樺甸縣今仍之

(形要)地當白山之陰北榦叢山沿二道江西走至匯合處天然襟

束大江北流貫徹中心兩岸平原展闊農墾適宜而氣候殊溫山林

之利尤縣境與濛江所擅有焉近年朝鮮僑民紛集水田漸廣官廳

統治殊堪注意松花江流東納蛟河漂河西受輝發河是全縣水利

所資沿古洞河右岸為白山北麓之要道是形勝之在東南界上者

此道即古代由鴨綠江上游北進之通途參觀本編交通篇

附錄

韓邊外傳略 自吉林省城南行百八十里至大鷹溝由此而南三十里爲樺樹林子又二十五里爲木奇河又迤而東南百九十里爲夾皮溝當前清同光間魯民韓邊外招集燕齊流民采金此溝嚴約束遠斥堠生聚日繁韓氏號令所及人民奉行惟謹盜賊不聞奸僞不作儼於柳條邊外別開世界吳大澂籌邊蒞東賞其才略爲更名曰効忠韓氏勢力範圍自大鷹溝起直至古洞河大沙河

二河皆發源長白山

北麓經安圖縣界入松花江

並及松花江西之荒溝那爾轟嶺外所謂夾皮溝者

在松花江東峯迴路轉溪澗環複進溝之道盤旋而行狹處僅容一騎金廠繁盛時百工雜技遠近醫集及効忠既歿金礦事業隨之衰歇然地方治安仍藉韓氏保障清季設治以後猶存有特殊情形至

民國十三年始完全屬縣府統治稱江東五區云

濛江縣東南距省四百六十里

濛江滿語為恰庫河源流有三至縣治北會珠子河東入松花江

(沿革)金為舍音水之完顏部

金史完顏部契丹時有五此乃別部

明鄂爾璦山所那

爾璦之音轉山在今縣北與磐石接界

明季同屬訥音部清為封禁地光緒三十四年

建設濛江州民國二年改縣

(形勢)地當白山之左北出之費德里鄂爾璦山脈環帶縣境西北

兩面故境內之水盡東流縣治據珠子河上游

沿河東達松花江約八十里而亂石林立

古河床之大半民國六年頃省署曾有分年開鑿以利材木下運之議

橫貫縣城一旦濬鑿西北叢山森

林之利已冠絕東省南道所通環接遼省長白安圖各縣足以控扼

東邊近年僑墾韓人就溪谷種稻自成部落山林弋獵之利稱最特

以山嶺輿複交通艱阻雖設治二十餘年而開發獨晚

境內物產經遼省輝南

以起吉海線之朝陽車站雖東達撫松西北達磐石各縣俱為大道而崎嶇不平除冬令外殆斷交通撫松縣種植棧苗及各類藥草摘而木耳麝菇烏拉草類人民為避吉省重徵之苦特於西南開嶺道經遼省臨江縣沿鴨綠江而下不出本邑

伊通縣 西南距省二百八十里

伊通河發源縣東圍場

今遼省東平縣

北經長春農安匯入松花江遼金史

作一禿河又作伊圖河伊屯河皆一音之轉

(沿革)金咸平路元屬開元路明為達喜穆魯衛伊屯河衛地後為

扈倫族之葉赫部地

清高士奇扈從錄云夜黑城在北山之隈甌盤城根亦有子城尚餘臺殿故址又一石城在南

山之隈今城址剗除殆難指認

嘉慶十九年設分防巡檢屬吉林理事同知光緒八

年升為州民國二年改縣

(形要)縣境向西南突伸為狹長形扼威遠堡邊門之口明代於此

疆界華夷晚明東事既起恃為遼瀋藩衛至於有清康熙朝柳邊之外悉置台站吉林奉天間交通伊通扼其中點故東屬圍場

遼省海龍東平

西豐等屬清初皆為圍場

西屬科爾沁達爾汗旂界

今為昌圖奉化等縣

獨留此一線通衢

若司筦鍵今南滿鐵道不經縣境形勢已有遷變而三面毗連遼省

縣屬最多各地商貨赴南滿或東赴吉海轉輸外運仍以縣境為中

樞惟道路廢壞近年官民議開伊公

南滿路公嶺站

伊烟

吉海路煙筒山站

兩

道

距離均百餘里

路成之後行見地面發達可斷言也

雙陽縣 西南距省一百九十五里

雙陽河為滿語蘇幹延之轉音下注伊通河蘇幹延滿語濁流也

(沿革)明為依爾們河衛蘇完河衛宣統二年分吉林府西界長春

東界伊通北界就省南蘇幹延站設治

(形要)吉長伊三屬爲吉省大邑故縣治設置雖後而墾闢已久境壤雖狹而農利實溥地居柳邊之東古時外環蒙界邊台羅列今已爲腹地焉

舒蘭縣

北距省一百八十里

縣治土名朝陽川舒蘭滿洲古地名爲省北台站之一滿語果實也
境內四合川霍倫河舊屬前清貢山爲采貢山果之地

(沿革)明屬阿林衛康熙二十年設巴彥鄂佛羅防禦旂員管轄邊禁采捕事宜仍屬之烏拉總管宣統二年分割吉林府北界增設縣治

(形要)北帶柳邊之尾法特哈門

法特哈滿語也又法佛哈
滿語櫛也門旁一山似蹄形

西

旁松花江山脉橫午東南尤萬山叢雜有呼蘭

卽霍倫

玲瓏嶺諸峯

爲拉林河所出故境內水道縱橫漁林采樵之利兼備農業以縣治
旁近暨溪浪霍倫諸河沿岸最爲饒沃

附錄

冷山考 古代中原人士流寓柳塞最久者首數宋之洪皓洪氏所
著冷山集松漠記聞述今吉省風土尤爲史地學最古之書宋史稱
洪皓奉使女真羈留冷山十五年居陳王烏舍聚落爲陳王教授其
子以樺皮習書遠近嚮慕冷山地點松漠記聞云去甯江州百七十
里又高士奇扈從日錄云額木赫索羅站東北二百餘里自必爾罕
必喇北望相去約數十里土人呼爲白山即冷山云云柳邊記略余
於必兒罕北望相去約數十里積素凝寒高出衆山之上土人呼爲
白山洪皓所居也今縣治東南小城子有金代完顏希尹墓希尹即

烏舍墓碑作
晤室其地即陳王聚落所在當拉林河上游霍倫川溪浪河

之間羣嶺延接冷山屬此自無疑義景氏方利東北輿地紀
略曹氏廷杰並主此說又按

小城子附近有南慶嶺北慶嶺慶嶺即青嶺之異名史既稱冷山為

陳王烏舍聚落是必非在山上而在山谷中無疑今小城子北二百

步有古城周三里中有石虎高三尺意即洪氏授讀之所且按之松

漠紀聞所志里到固無勿合也采遼東文
獻徵略

延吉縣東南距省七百四十里

縣治舊名延吉岡又作煙
集岡亦稱南岡實南荒二
字之轉設治時因駐有強

吉延吉等軍而名

(沿革)金置海蘭路總管府金末叛將蒲鮮萬奴於海蘭河布爾哈

通河匯流處今名東
城子山建立南京號東真國領事在西歷一二三四年其
土南迄朝鮮咸鏡道之

平定一帶立國二十年爲元師攻滅
明錫璘衛卽今細鱗河在縣西銅佛寺站南
清爲南荒圍場光緒

二十八年設延吉廳同知宣統元年升爲府民國二年改縣

(形勢)縣居長白山之東白山東出之穆德亨幹脉又作溫德亨促音爲盟溫滿語

祭所也障其北圖們江帶其南倚山面江實爲長白東麓一大平原河

渠橫午農利倍饒清季嘗視爲國防重地談省東邊事必首數及此

而今則韓僑紛來囂賓奪主日警侵駐門戶洞關邊情又一變矣全縣

戶口韓六占十之僑

附錄

延邊開埠記 清宣統元年中韓圖們江界務條欵開放縣境之局

子街龍井村(卽六道溝)頭道溝暨汪清縣之百草溝四處爲自開

商埠二年畫定埠界實行開放此在中日東三省善後條約吉省開

埠六處之外并四埠而論省境凡開商埠十處

老頭溝煤窰記 縣境天圖鐵路本限定從天寶山銀銅礦區起迄國界圖們江岸爲止故名天圖乃礦業專用鐵路也嗣以天寶山礦苗衰竭停辦故路線改由老頭溝煤窰爲起點焉天寶山者東距延吉縣九十里清光緒初年以銀鑛著名經程光第開采不久以資竭中輟而私貸日本商欸究其內容罕有明瞭者至民國五年遂以中日私人債務糾葛寢成國際交涉結果由外交農商兩部允准華商劉紹文與日方南滿大興合名會社合資開采定爲銀銅鑛限鑛區爲六十華方里惟其鑛線散而不聚十年即宣告停辦先於六年間日方又提議延吉老頭溝與和龍三道溝兩煤窰曾經前清吉林將軍准許爲天寶山鑛之附屬鑛區請求開采屢經磋商日方堅持劉

紹文稟請合辦報領在先應有優先權結果由吉林實業廳與承辦天寶山之大興會社於七年九月間簽訂中日合辦老頭溝煤鑛合同十九條定鑛區十華方里資本日金二十萬元中日各半合辦年限爲二十年十二年春開始經營至今繼續采掘年產二萬數千噸鑛區爲波紋形縱行之邱陵東爲櫃子溝西名老頭溝故中高而旁下在北端老君廟附近地最高比布爾哈通河畔老頭溝鎮約高二百四十公尺向南漸低至南端又突起元寶山對峙雙峯峯麓谷地則布爾哈通河與天寶山河之沖積層也最宜耕種由北迤西愈遠地亦愈高至天寶山則層巒疊嶂頗饒風景湖水東注悉入布爾哈通河云

和龍縣

東南距省八百里

縣治舊名和龍峪又名大磧子其名始見光緒十年吉韓通商章程

(沿革)明賡河衛明史永樂五年置賡金等五衛以部人克成額為指揮考庶金河即賡吉音河今名陰陽河在

縣治西與遼寧安圖縣交界處清光緒十年開放和龍峪光霽峪西步江為中韓互

市地二十八年設和龍峪分防經歷屬延吉廳宣統二年改設和龍

縣今仍之

(形勢)圖們江環帶南東悉為中韓國界綿亘縣境六百餘里吉省

東南形勢實屬於和龍以近接北韓而為延吉之外障也全縣戶口

分之九日本在北韓軍事地理根據於會寧逾江而北縣治當其衝

自天圖鐵道既成更屬中日交通之樞為滿韓之紐現在日本於會

已成出清津港而長白山脈橫隔滿洲近古以還南道久廢由奉天

直至日本敦賀頗多今海龍縣出安圖縣斜沿古洞河以達和龍俗呼盤道現移墾民人

轉出長白山南沿混江至安東縣及丁未歲日本又有與韓氏合修夾皮溝古洞河大道之議蓋此道從古為交通衢路明季清初猶有兵事關係及康熙朝劃定圍場長白山一旦刊闢惟和龍司其鑛鑄右悉為禁地乃舉千里奧區委為榛莽

可以開發東陲轉移南滿之地勢則又對內交通之宜注意者

附 韓僑遷墾記

清初以後朝鮮貢道出奉天由韓新義州過江至鳳凰城中國乃伴送之入貢 中韓互市於

鴨綠江之中江台九連城東江中洲渚 若吉省圖們江左岸在清康熙朝曾

於江左劃留隙地禁止人民攔入特指定鮮境會甯慶源兩地為互市之所會甯每年正月一度市易相沿謂之單市慶源每二年一度稱為雙市但准我往而不准彼來由甯古塔副都統派員監督之名曰大換其奈韓境人稠土瘠一逾江流北入我界便沃壤膏原天然

寶庫今延吉和龍汪清等屬正當長白山之南以金礦為最富有石建坪等線金產地有黑頂子琿春河等砂金產地開采期始自

同治間而延吉正西約百里現中日合辦之天寶山銀銅鑛發見在光緒初餘如鐵鑛煤鑛蘊蓄俱厚加以森林蔚獵業斯興河流縱橫適宜 清廷每歲僅由烏拉總管採取蚌珠及獸皮於此計自今甯

安縣瑚珠站南至圖們江岸盡荒漠無人居陸路交通盡在鮮境清會典載康熙朝派遣滿員查山勘邊由清廷檄諭鮮王所經鍾城穩城各地妥爲保護可見通道全在鮮境故光緒初開闢延邊我境江岸一帶每用對境地名也康熙季年始設協領於琿春城顧其時圖們江右岸之朝鮮屬我保護國初無所謂邊防也自咸豐十年中俄界約旣成左岸從沙草峯以南下游盡爲俄有於是吉省遂無海岸並江口亦非吾土而邊防始緊同治八九兩年朝鮮曾大飢野殍狼籍飢民挈眷至江左今延吉汪清等處將妻室子女鬻於華人每名祇換米一二升然由此種界亦得稍開而雍髮易服回國者仍不齒之清

廷以韓民越墾屢下嚴令刷還令弛輒又侵入光緒初法禁稍懈至
 者遂多圖們江右韓境數城均山嶺濯濯土瘠地貧光緒七年吉省
 派李金鏞勘荒琿春條陳招墾十一年吉林官府因俄人私與朝鮮
 通商以慶興郡爲互市地因開放和龍峪光霽峪西步江三處爲中
 鮮商埠訂立朝鮮通商章程以資對待先時中國於韓人向不徵稅
 及開埠貿易之制行刑部郎官彭姓爲中韓通商委員自是兩國國
 界開矣先吳大澂勘邊至此曾有我界墾民一例薙髮入籍編甲升
 科之請韓王尼之未果至是旣與韓協訂通商章程一面遂有越墾
 局之設（在和龍峪）舊令悉除韓民屬集越五年准領照升科十六年
 旋改設撫墾局初韓人蹤跡限於海蘭河南今和龍縣屬其後華民傭雇
 爲佃租給開耕蔓延益遠至光緒庚寅上自茂山下至鍾城茂鍾

山城韓地名時我界每以對江名稱名
吾土上文猶茂山鍾城隔江左岸之謂江濱沃土二百餘里悉行文放

於是江左一帶人口蔓延幾倍華民地理關繫始稍稍注重已而立

水師營年十五設治二十八年設招兵同年招駐延吉布置略備矣

及光緒三十年中日間島交涉起韓民已徧延邊墾民達五萬餘戶

清宣元七月間島交涉解決訂定圖們江界務條款五條內載汪清

河西老爺嶺東概作雜居區原有墾民均有土地所有權統受中國

管轄裁判與華民一致屬此區者爲延吉和龍兩縣及汪清縣之西

半顧在上述雜居區外之韓民如何處置則未有成文之條約但於

會議錄中載日本伊集院公使之聲明「雜居區外亦可照此規定

歸中國國家統治惟鴨綠江岸一帶韓民應俟將來另行商奪」詎

意民國四年中日新約告成日本當道援新約第八條「現行各約

除本條約另有規定外一概仍舊實行」之文強自主張須將界務條欵內墾民悉歸中國管轄裁判各規定均行撤廢是年九月駐延日領遇有墾民民刑各案便開始逮捕而我國之主張則謂新約八條之解釋正所以保障界務條欵繼續有效也無奈日方逮捕如故訊辦如故吉省長吏乃退一步甚之謂界約能否繼續可俟兩國政府交涉之結果此時姑維持向來之辦法而日領事不允已又提商凡經入我國籍之墾民不能逮捕引韓人之入俄美籍者爲證而日領又謂韓人戶籍未清縱入中國籍日政府固仍認作帝國臣民也因是日警詢知已歸化我之墾民更指疵索癢動輒拘去拷問以證實其主張六年春琿春且發生日兵越界示威之事吉省長吏明知愈因循愈失敗謂寧退讓以就解決無令腐爛以滋他故然入告前

外部數十次卒無確實辦法日政府實亦利用此拖宕手段也後並彼伊集院公使之聲明俱多迴避至九年三月間朝鮮李王薨逝鮮境突起獨立運動聲勢甚盛我延邊之鮮墾感受影響到處紛擾日本乘機廣派軍警越界侵駐我方抗議再三日軍始撤而日警已成永久性質計常駐者三百餘名至今分駐延琿和汪四縣凡商埠內

外凡二十處

延吉九處琿春和龍各四處汪清三處

日本駐警所在輒置朝鮮居留民

會受日方指使鮮人社會中事故彼故織悉備知得任便干涉彼拓務省又徧設金融會社名爲救濟鮮人農業收押地照低利出貸凡隸名民會之鮮人得享種種利益非此者則爲其嫉視由來漸矣十九年五月間鮮境共產黨匪潛入延邊焚殺劫掠騷然不靖日警於常駐者外更侵進便衣警隊汽車隊其人數乃遷調無常吉省東南

之患蓋已如是茲據行政方面十八年多調查延邊四縣統計已未
歸化鮮墾男女已有四十萬零二千九百七十六人延吉二千二百五十
萬
三和龍十萬零零二百七十六汪清三萬一
千六百八十二琿春四萬九千七百六十五於四縣總人口中實佔
百分之七十八云

架設圖們江鐵橋案 民國九年三月間朝鮮境內紛謀獨立我延
邊鮮僑亦多響應日本乃藉口進軍在圖們江上三峯地方架設軍
用浮橋一處接通鮮境圖們鐵道除軍用外兼運客貨將我岸渡船
利權侵奪迭經我方抗議詎日兵撤退後浮橋仍在及十年夏橋被
水冲失復在迤北處重建一較前寬廣之橋其時我方與日商飯田
合辦之天圖輕便鐵路已經通車此路與鮮境之圖們鐵路本相銜
接今此路日政府
已收爲國有於是圖們江架橋通車之議勢在必行爭議多年

至十四年十二月間始經解決雙方議定合建鋼骨橋梁於上三峯
采用英尺二尺二吋複式線橋面兩旁敷設步行道以利交通建橋
費各半擔任訂有圖們江架橋協定八條又因國境交通關繫訂定
天圖圖們兩路聯運規則廿七條橋工於十六年完成

汪清縣

東南距省一千零二十三里

縣治土名百草溝治東有大小旺清河滿語旺欽堡壘也

(沿革)明阿布達哩衛

今縣治西綏芬河上流有地名東溝即該衛故地

清初庫雅拉部鈕

呼特氏居此爲世管佐領(今大坎子地方)宣統二年析琿春延吉
境設汪清縣今仍之

(形要)圖們江屈曲東流如几字形縣境臨據其上東翅琿春西衛
延吉隔江與韓國穩城相對北倚叢嶺山徑紛歧東南一帶平原隴

撫但農利方開已成韓人唯一之移墾地戶口統計韓人約佔六十分之四十五扼圖

們江下游一面之險無當於東邊全局從圖們江下游轉向琿春北進縣境當其衝但江右悉屬

朝鮮江河之險與隣國共之

琿春縣東南距省一千二百里

琿春金史作烏蠡亦作烏春

(沿革)唐代渤海國南京南海府治所遼金時爲金朝完顏部肇基

王業之地金史穆宗本紀土門烏春二水之交烏庫哩部與率賓水部起兵太祖往攻之撫寧諸路後爲上京海

蘭路明爲琿春衛通肯衛蜜札衛明季滿洲舒穆祿氏所居清康熙

五十三年設琿春協領管轄捕獮牲丁光緒七年設琿春副都統宣

統元年裁設琿春廳民國二年改縣

(形要)琿春爲吉省南東門戶倚山控海臨江本四塞之區自咸豐

十年割圖們江下游左岸界俄毛口歲巖杵河各港岸均爲俄有海
疆門戶無存因是形勝全亡而一省之商業軍事交通亦胥失其勢
今縣境三面密邇日俄徧淺暴露難語國防農田墾闢多在琿春河
兩岸鮮墾佔上游則爲白山東榦穆克德亨餘脉所環帶西北赴省
孔道有大盤嶺巉巖橫阻尙待開闢冬季常假道韓

附 錄

琿春古城邊濠記 唐代渤海國傳世最久幅幘廣遠分建五京上
京龍泉府即唐書之忽汗城今寧安縣東京城是也故都宮室尙有
遺址可尋其東京龍源府爲今蘇聯沿海濱省尼古里斯克華人名
南京南海府則在今琿春縣境境內古城羅列果今何處古城爲當
年渤海南京之遺址現尙無堅確之證明唐宴氏渤海國志地形志

云南京爲沃沮故地疊石爲城幅幘九里觀今各古城中如城牆褶子城八連城等基址之恢廓地勢之扼要皆具有京邑規模茲將縣境古城有遺蹟可認者分記於後

八連城 又名半拉城西距縣治十五里縱橫各二百五十丈四面門各一內有子城七中央凡三左右各二均相聯屬共有門十

四北外垣之內子城之北有橫牆一舊稱北大城並七城而爲八故稱八連子城亦俱正方形縱橫各五十丈南城並有重垣遺迹是城與斐優城間有石臺高六七尺寬七丈南北五丈舊名四方陀子儼然古時宮殿中之寶座也距此西北半里外並有同樣石臺一斐

優城 西距縣三十里四方形南溫特赫部城 西距縣治二十里 小城子 縣有斐城環列土壘十九

十八 **石頭河城** 縣南二十八里 **薩其城** 縣東二十五里 **密江城** 縣北六十里 南瀨 **通肯山衛古城** 縣東北五十里 **營城子古城** 縣東北一百弓形

十里南瀨 **山城** 縣東北二十里 **城牆褶子城** 縣東北約六里城內街衢坦蕩歷歷

可認東門一臨青泥灣河北門有重垣外垣下馬滴達河城 縣東七皆壘石而成石材堅整居民挖取日就剝落

疊石 桃源洞城 與下馬滴達 小平頂山城 縣東北一百六十里 因山為城 紅旂河

城 縣東北一百七十里 東倚山嶺 面環紅旂河 城內沿牆有孔道 廣及二丈 許屋基排列有序 乾溝子山城 北

距縣治四十里 因山建築 城內市街屋舍遺迹宛然

邊濠 行每隔十里有土壘一或雙壘並峙 高約丈許 基廣一丈五

六尺 又自勇智鄉洛特子山起 並見邊牆 蜿蜒堡壘 更向西北 在德

惠鄉方而又有溝塹 深約六七尺 三四尺不等 塹左猶存 邊牆形迹

由密江屯迤西至 琿春與汪清 分界之黑滴搭 循圖們江岸 山嶺而

南築有石牆 高及丈計 遠至汪清 縣界之孤山 子北涼水 泉子街 始

盡又石頭河 窟窿山 頂亦有土築 邊牆迤邐 而西至延吉 縣境上 述

謂金源之興與高麗爭界 此實當交戰之衝 云或 磨刀之石 現在塔根 古磚已拆 移十之七 塔柱向東

東甯縣 東北距省一千四百里

古塔 縣東九十里 塔子溝 北山坡有古塔 一塔上字已模糊 係方

磚砌成 磚厚五寸 縱橫各一尺五寸 堅硬如石 土人拆取作

磨刀之石 現在塔根 古磚已拆 移十之七 塔柱向東

縣治舊名三岔口

(沿革)渤海為率賓府境金屬恤品路明為綏芬河地面置率賓江
衛清光緒三十三年設綏芬廳因地僻道阻僑治甯古塔城宣統二
年甯古塔城設甯安府因析境移治於此改名東寧廳民國二年改
縣

(形要)中東路東出國界縣境縮其口實國防之重地亦交通之要
樞惟瑚布圖河上游迤北山嶺叢錯亭障不脩俄騎兵擾邊深入三
道後堵頻啟交涉十八年間中蘇國交糾紛之頃蘇聯設司令部於
大烏蛇溝對岸而從團山子高力營距縣治八里進攻遂為所乘是尤

邊備上至可注意之事也全境多山故農利不如鑛產之厚縣南九佛溝柳

毛子河城場溝煤苗徧地已開采四處上年官民議從九佛溝小綏芬間關為縣道名綏九路他如萬鹿溝金鑛亦頗著名若

開發境內交通則誠根本之圖也

從縣治三岔口至東路綏芬河站一百四十里議脩汽車道正籌款

辦待

附 錄

記烏蘇里鐵路 俄境烏蘇里鐵道創於一八九二年（清光緒十八年）俄廢皇尼古拉斯二世時猶爲太子曾來遠東於雙城子手掇一石以行開工禮閱五年竣工因名雙城子爲尼古里斯克其自雙城子西接我中東綫之支綫凡一百四十華里則又後二年始竣此路橋梁之最巨者如利浦河伊曼河畢克河克雅河哥爾河長有七八百尺短者亦達二百五十餘尺伊曼停車場與我虎林縣隔江對峙有枝線通至江畔革拉夫斯克冬季轎車出發點也自雙城子站南達海參崴計二百零四華里北至伯力可轉出阿穆爾線環帶

我黑龍江北面西迄敖嫩河畔加魯牟司喀雅站與彼西比利亞鐵路銜接

記雙城子古迹 雙城子唐代渤海國東京龍源府故址也以東西

二城得名相距四里許前年曾發見大金開府儀同三司金源郡明毅

公神道碑吳大澂氏謂係金完顏昛之墓地前清一統輿地圖東城

曰傅爾丹西城曰朱爾根有古碑一在東城字跡剝落有一行存寬

永十三年湖北進馬九字湖北殆指興凱湖北相傳馬字下尙有三千匹三字承以鼉鼉考唐

書渤海國貢物有率賓之馬湄沱湖之鱣雙城子時爲率賓府乃產

良馬之所其寬永年號疑係渤海非關日本後水尾天皇之寬永記

年也

甯安縣東北距省八百里

當滿洲部落時代地名甯古塔貝勒甯古塔滿語數之六也貝勒部長也時名牡丹江下游今依蘭縣則謂依蘭喀喇乃言彼爲三部此乃六部也

(沿革)地爲肅慎氏故墟

唐賈耽道里記肅慎大城在忽汗城南三十里通鑑東晉前秦苻堅之姪行唐公苻

洛反於幽州遣使徵兵於烏桓高麗新羅休忍等部均不至云不能相從爲寇休忍卽肅慎之音轉嗣後肅慎休忍等名詞遂不見於史書其後

爲挹婁爲勿吉至黑水靺鞨大祚榮建渤海國始立都邑號上京龍

泉府(唐書稱忽汗州)遼滅之

遼太祖阿保機於天顯元年破渤海其所部降上優禮而歸之詔立渤海郡縣以渤海平定遣使告唐改渤海國爲東丹國改忽汗城爲天福城冊長子突欲爲人皇王其後太宗立遷東丹國

於東平(卽今遼陽)移其民而墟其地人皇王懼由海道來華唐明宗爲改其名曰李贊華後契丹伐唐爲唐主李從珂殺害金呼爾

哈路萬戶府元初呼爾哈軍民萬戶府明奴兒干都指揮使治此以

領東北野人諸衛清順治十年設昂邦章京

在今縣治西五十里之古城今城係康熙五年

建因稱古城爲舊街 康熙初改設甯古塔將軍十五年移駐吉林而設副都統

於此雍正五年置泰甯縣屬奉天府旋廢光緒三十二年裁副都統僑

置綏芬廳宣統元年移廳治於三岔口改名東甯廳而設甯安府於

此民國二年改縣

(形勢)西憑畢展窩集畢展滿語折斷之謂中貫穆丹烏拉即牡丹江而臨據上

游柳邊以外能建國立邑傳世二百餘年具有聲名文物者首推渤

海故此地爲最古之名都遼滅渤海不知保固此險遷移舊民空虛

此地卒讓女直憑藉爲滅遼張本明初招撫野人遠迄苦夷即庫頁島特

置都指揮於此與清初置將軍於此同爲鈐轄四面得控制之宜者

也今縣境農利浩穰麥產之美甲於東省尤以東南兩境爲優兼之

交通便利談省東形勝應首屈一指

附錄

記鏡泊湖。鏡泊湖滿語畢爾騰摩和位於縣治西南省內湖澤此爲巨浸長及百里廣二十餘里狹處不足十里兩岸山如崇墉中有老鸛道士大孤小孤四山道士小孤兩山之間有巖曰眞珠門大孤山矗立湖中爲圓錐形高出水面七百餘尺湖西南大巍呼河即勒富善河入焉交匯處有一崖曰呼克圖峯湖水自東北瀉出飛瀑跳空聲如駭浪滿語曰發庫俗名弔水樓札津松吉阿布畢爾罕諸河環入於湖以故湖濱土沃宜農湖產鯽魚最有名唐書湄沱湖之鯽即此記德林石 縣西南有德林倭赫者滿語倭赫石也滿語亦名烏黑法喇通稱石頭甸子分南北二支北支起自鄂摩和湖又稱小北湖之東南繞沙蘭站南支起自牛廠盤紆東京城之北而同迄於呼爾哈發

庫之下廣數里二十餘里不等其長計百餘里石平如砥孔洞不可數計圓方廣狹形狀各異深或數尺以至數丈中或有泉澄然凝碧上產黃蒿松甚茂車馬行其上作鞞鞞之聲高士奇東巡錄稱相傳下有海眼吳大徵皇華記程言凡石皆直性此獨橫理爲世所未見清初謫戍 滿清入關之初流徙罪犯多編管於吉江兩省及康熙時雲南福建既平凡附屬吳三桂耿精忠等之藩下人悉配戍於上陽堡在今開原縣東四十里邊門外滿語稱其地爲台尼堪尼堪者漢人之謂旣又爲羅刹之亂關外徧設軍台飭是等流人分守各台稱爲台丁其後與官莊驛站均撥與田地令耕種自給故沿柳條邊逾松花江嫩江北至瓊瑋俱有台丁蹤跡然在先已有犯罪充發於各站者若甯古塔城則始自順治十六年關內搢紳獲文字之禍或

罹黨獄恒謫居於此如順治丁酉科場獄吳江吳漢槎兆謫甯古塔

最久著有塞上秋笳集楊賓著柳邊紀略又如鄭芝豹降清後因其

守台彎抗拒清朝並將成功之母顏氏均編管甯古塔鄭成功稗將劉炎康熙十六年鄭氏敗於興

化劉炎投誠至京長流甯及金聖嘆之遺族皆並家族僉配時有詩云南國佳人多塞北中

原名士半遼東可見遷謫之象又一路為席伯白登訥席伯亦作

錫卜蒙古舊部今康熙中葉李方遠為明崇禎第三子定王案牽連編管於此

扶餘縣著有張先生傳又一路為齊齊哈爾城雍正初呂留良之子孫發配

於此又一路為黑龍江城時將軍尙未移鎮墨爾根黑龍江城即今

璦琿也昔書艾瑋桐城方登嶧謫此曾賦老槍行老槍即老羌指當

斯人也中言中外互市情形頗悉 清初婁東無名氏著研堂見聞雜記云順治丁酉

江南科場事逮繫舉子各決四十長流甯古塔父兄妻子皆隨流徙

甯古塔在遼東極北去京七八千里其地重冰積雪非復世界諸流人雖皆擬遣而說者謂半道必爲虎狼所食向來流人遠徙上陽堡地去京師三千里猶有屋宇可居尙得活至此則望上陽如天上云云可見順治十六年前尙無編配甯古塔之例及乾隆以後停止東戍祇有罪囚發黑龍江披甲爲奴之例而申平常漢人攔出柳邊之令然柳塞文化賴有名賢謫居而就開發獲益轉多云

敦化縣

東南距省四百七十里

土名敖東城敖東滿語本音作鄂多哩又稱阿克敦設治時因名敦化

(沿革)金史爲窩謀海地烏春傳云世祖過烏紀嶺至窩謀海卽是也

烏紀卽張廣才嶺

元置幹朵里萬戶府明正統後爲建州左衛地一

統志載清代始祖布庫哩雍順定居長白山東俄漢惠之野鄂多哩城但鄂多哩既在長白山東今敖東乃明在山北俄漢惠滿語湖泊之義敖東近接鏡泊湖距長白絕遠求之地望均極牴牾許溯伊氏謂清祖居長白山東爲一時代居俄漢惠之野乃又一時代考日本永井勝三氏北鮮間島史載明永樂十年女真斡朶哩族酋長童哥帖木兒從三姓南入琿春之野定居鮮境會審明授以建州衛之印宣德八年爲兀良哈族七姓野人所殺其弟凡察携印逃入朝鮮其子董山率族移住今敦化俄漢惠築斡朶哩城以居明廷再授以建州衛勅印後凡察逃歸請於明授以掌印之任明廷不得已於正統八年別授凡察以建州右衛印而以董山一部爲左衛云云據此許氏兩時代之說似信而有徵清初兼轄於額穆赫索羅佐領光緒六

年另建城於舊城迤西二里設敦化縣今仍之

(形要)控牡丹江之源境內河渠縱橫畢注於江沿流而下足奪甯安之險論大陸交通東南一面復當延邊之衝近年吉省郡縣次第開闢縣境設治較先故農利已啟使異日南通遼省安圖之道暢行則利吉遼之轉輸開無窮之寶藏地理關繫或以遷變而彌重歟西

沿古洞河跨頭道江至安圖相距三百里左右無高山大川之阻安圖天產充溢惜無出路

附錄

記鄂多哩古城 縣城東二里餘鄂多哩古城亦名額多力滿洲通誌清始祖所居在牡丹江右鄂多哩城去甯古塔西南三百里許證以地望地名或即明宣德後移住於此歟城方廣各約半里許週二里餘東南一門正向江流四角睥睨猶隱然可辨每面城垣間有一

高阜若瞭臺然半多頽圯存者高尙丈餘內又有土城惟一門南向其中土壘高低城外有一水泡東流入江料係當年隍塹逾江至左岸東南約里許有三尺餘高阜週圍數武有六楞石礎分列四週荊棘叢生登此北眺南老城亦呼爲老城恰對其南門有謂係當年倉庫遺址云

額穆縣東距省三百八十里

縣治舊爲額穆赫索羅台站額穆赫轉音爲俄摩賀滿語水濱也索羅滿語十人撥戍之所也滿洲源流考色齊窩集嶺上有故城遺址相傳爲金時關門可證自昔置戍於此

(沿革)元嶺東爲海蘭路碩達勒達女真遺族所居嶺西概屬開元

路明爲禿屯河衛

今名退
搆站

明季役屬於烏拉部

清祖遷居赫圖阿
拉後是地爲滿洲

別部所據稱鄂謨和蘇魯路與赫席赫路佛納赫托克索路同稱窩集部附於烏拉萬歷三十五年清太祖命巴雅喇攻取之盡有三路
清初設佐領管轄台站旗丁宣統二年設額穆縣今仍之

(形要)長白山西北山脉起頂爲牛心頂子穆丹嶺富爾嶺樺甸敦化界

至縣境乃氣勢團結色齊窩集一名穆魯窩集吉林外記塞齊開關也窩集林藪也穆魯山梁也嘉慶二

十年將軍在此祝殿改名嵩嶺逾退搆站東行三十里入窩集口過張廣才嶺十里方出口共長四十里巨木陰翳夙爲天險縱貫

突高張廣才嶺迤北又分兩脈一東北入寧安延壽爲儼然作省

東天險足以鈐東南東諸路而嶺南北諸水俱爲江河之源北麓拉林河出焉南麓之東朱爾德河爲牡丹江之

旁源南麓之西拉法河入松花江四面挾建瓴之勢驛路自省東

出逾越兩嶺縣治適縮其東口頗得形要境內山脈蟠鬱農利難期

廓展惟青溝子距縣三十五里老搭拉東北溝距縣八十里漫岡平蕪俱有建

設鎮堡以徠墾民之希望

附錄 韓邊外傳略

濛江縣 沿革 形要

伊通縣 沿革 形要

雙陽縣 沿革 形要

舒蘭縣 沿革 形要

附錄 冷山考

延吉縣 沿革 形要

附錄 延邊開埠記 老頭溝煤窰記

和龍縣 沿革 形要

附錄 韓僑邊墾記 架設圖們江鐵橋案

汪清縣 沿革 形要

琿春縣 沿革 形要



附錄 琿春古城邊壕記

東寧縣 沿革 形要

附錄 記烏蘇里鐵路 記雙城子古迹

寧安縣 沿革 形要

附錄 記鏡泊湖 記德林石 清初謫戍

敦化縣 沿革 形要

附錄 記鄂多哩古城

額穆縣 沿革 形要

依蘭縣 沿革 形要

附錄 明東海三部考 東夷族俗志

樺川縣 沿革 形要

附錄 五國城

依蘭縣東北距省一千零四十里

縣治舊名三姓滿語依蘭謂三喀喇謂氏族縣名乃截取上二音者

吉林外記三姓者努雅喇克宜克勒祜什哈赫斤人所居考

祜實哈哩河流名今寧安縣東北十餘里尙有胡什哈屯明實錄永

樂十三年以部人吉塔斯爲兀思哈里指揮同知是也滿

洲源流考云崇德四年祜什哈哩部長納穆達里入貢

又考今富錦縣治西十五里有古城一名夫替活吞其旁近地今亦

名夫替岡有赫斤人百餘戶居此因又名夫替大屯此城爲古時東

方四子部之中點前清遠祖實居於此(據羅刹外史)四子部者一爲

愛新覺羅部其餘三姓居此據日本稻葉氏滿洲發達史建州女直

明初合三姓寧古塔一帶包括在內三

姓者爲幹朶里火兒阿托溫之三城

(沿革)遼金五國部地元設萬戶府五一日屯明永樂十年前爲建

州衛地明季稱此地爲和屯噶珊之野康熙時三姓貢貂各編其族

長爲世管佐領五十四年置駐防兵以協領管之雍正十年設三姓

副都統光緒三十二年裁設依蘭府民國二年改縣

(形要)縣治當牡丹松花兩江之匯口東納倭肯河之巨流

倭肯即和屯之

音轉金史作和倫德克德列傳世為和倫水部長是也水源出屯窩集為省東最大分水嶺嶺東即撓力河源今其地山林尚未開闢

三川襟束形勢之要高掌遠蹠譬之宮室依蘭表其嶢闕寧安則魏

乎巨廈也瀕江土沃宜乎農墾北與江省佛山蘿北各屬之交通此

為鎖鑰遼代故設障鷹官於此以通五國部鷹路地勢之形要固今

古不殊惜乎路政不脩東南荒開墾尙未及半

清宣統三年王瑚為東北路道曾由依蘭

開道通接密山後又廢壞

附錄

明東海三部考 扈倫四部以東與烏拉哈達等部境壤密邇者則

有東海三部明人亦稱為野人衛是也以今地望考之是三部適佔

吉省之東半同出滿洲族即呼爾哈部瓦爾喀部渥集部是按呼爾

哈唐書作忽汗河今稱牡丹江滿語名穆丹烏拉凡敦化寧安依蘭等屬

當年皆該部故地瓦爾喀部亦以河流名則今遼寧東邊外之混江亦稱佟家江是也邵陽魏源云瓦爾喀江入鴨綠江兩岸皆其部落人民多自朝鮮僑遷是今遼省之桓仁通化輯安悉瓦爾喀境也渥集者本窩集二字之音轉據滿洲氏族源流考烏蘇里江西之木倫部江東尼滿河源之奇雅喀喇喀喇猶姓滿語也皆渥集部又清祖征渥集部有自歸之綏芬部是今日穆稜東甯虎林密山諸縣並俄屬東海濱省之尼瑪河綏芬河流域皆當年所謂渥集部也

在東海三部之東北而與呼爾哈部渥集部連接者則清紀概以使大使鹿別之明代悉統於奴兒干都司清廷先後吞併是地已在清太祖天命紀元以後萬歷四十四年後其地爲今日吉省依蘭東北樺川富

錦同江撫遠等縣迄乎黑龍江下游兩岸凡咸豐十年割隸於俄之東海岸一帶皆是也

東夷族屬志 現今在中國境內松黑兩江下游之黑斤種人以華人移居日多漸就衰弱十九年中央研究院凌君調查黑斤人分松花江烏蘇里江兩派松花派於光緒八年編成四旗就今富錦城外四里憂爾當屯設一協領統治之烏蘇里江派未編入旗故又名外山人編旂者已不及千戶云

出撫遠縣界東北行一千餘里至俄境阿吉大山其間沿江岸居者亦屬黑斤又呼短毛子男女皆薙髮女未字者椎髻嫁則垂辮語類滿人衣服亦悉如滿製喜紫色足著靽鞞無文字削木裂革以記事不知歲閏弦朔問其年以食答抹哈魚幾次爲對夏捕魚作糧以是

魚之皮連綴爲衣一魚之皮包裹成履冬捕貂易貨漁用網用釣所
駕漁舟名幾喇以婦女蕩槳捕貂用藏弩善睇獸蹤尤善以羣犬駕
舟長十一二尺寬尺餘雪後則加板於下持篙刺地上下如飛冬時
遠出交易有至依蘭者

在前清咸豐前酋長歲必至三姓副都統署獻貂自割隸俄國後俄
人常遣希臘教僧蠱以祆言迫令改裝近來世變勢衰已什有九不
知曩年隸屬中邦矣再自阿吉大山順黑龍江東北下行至黑勒爾
兩岸其人俗與薙髮黑斤同惟語言互異華人亦呼爲長毛子男垂
辮染濟勒彌人風氣多喜弄熊向亦貢貂於三姓其人垢穢尤甚門
前皆置晾魚木架夏月腥惡刺鼻清代與苦夷即庫頁島上人種至阿吉大
山上游莫爾氣對岸桑烏林木城中歲受我國服物之賞由三姓副

都統署派旗員前往接待該族名曰穿官

日本鳥居龍藏東北亞洲
搜訪記黑龍江口費雅克

人言昔歲其先人一年往三姓一年往西加姆(即庫頁)又謂特倫地方有中國官署云云蓋特倫即桑烏林木城也又自黑勒

爾以下直至海口共約六百餘里舊爲費雅喀人所居今則合鄂倫
春族統稱濟勒彌人而鄂倫春又各能操本部語與純粹土著之費
雅喀人有別但無文字醫藥不知歲時弦朔則江東諸夷固一致也
夏乘小舟每至口外各島江沱海汶冬駕扒犁至索倫河南與諸種
人爲物質交換每家畜犬數十既供驅策復衣其皮寒暑一裘不易
要言之即使犬部也至江口外沿海島嶼土著滿語亦謂之奇雅喀
喇此族及鄂倫春二種人善馭四不像逐獸逾嶺捷如猿猴今此種
人大半已入俄國馬隊四不像鄂倫春人呼之曰沃利恩角數歧似
鹿蹄二歧似牛身長色灰似驢其頭則在牛鹿之間寬額而長喙毛

甚豐負重百餘斤中國古書所謂麀也其性最馴又善走且不芻不
豢惟食寒帶地方繁生之石苔需用時以木擊樹聞聲即來暇輒縱
牧於山林任其所之是種人即古時所謂使鹿部也

奇雅喀喇地方又有一種人華人通呼其人口二腰子語言與濟勒
彌又異削木以記事男女均蓄髮垂兩辮耳後惟人死用棺木婚姻
由家長主持其禮俗頗有華風性更好潔多王姓牛姓自言係華裔
信薩瑪教一如黑斤而巫術更神其力士能獨殪熊虎濟勒彌黑斤
等種人俱畏其勇冬令出行乘類似扒犁之踏板轆車逐獸如飛顧
喜與華人互市性亦相近蓋烏蘇里江右各夷人此爲半開化之民
族矣日本鳥居氏稱此爲高里特族乃通古斯中之雄族云

按上述各節多采輯曹聲卿先生筆記先生躬自調查遠至庫頁島
其言自確實有據而於人種方面未及研考但此等東夷各族如必

指久混何種居何地應屬之使犬或使鹿類名爲界劃殊難且居山林者
統久混何種居何地應屬之使犬或使鹿類名爲界劃殊難且居山林者
又稱打牲索倫欲族別
而類分之正未易耳

阿美利加洲印第安種現在整居美國西北境密士失必河西岸及
落機山左者據西史彙編現尙存二十五萬人皆黑睛平鼻男女

皆編髮疑此種人與黑龍江下游黑斤等一種有血統關繫亞洲最
東北之白令海峽一俄彼得大帝於西歷一七一九年遣白令克探

勘美亞二洲之地類是否連結返國覆命賞以俄幣二十萬卽名是
峽爲白令海峽一與北美阿拉斯加隔海相望地質學家謂古時大

陸本係相連則在科倫布未到美洲以前陸亦樂事理之可信者今
下游以漁獵爲生之韃子浮海東邁遺種美陸亦樂事理之可信者今

印第安人以逕庭如異邱羅基之五大族則宮室耕稼且有數十字族文
程度亦大有逕庭如異邱羅基之五大族則宮室耕稼且有數十字族文

一獨立國家（在密士失必河中部土地權屬於五族白人不能購
買而可通婚娶）試覘其特殊之風俗印第安人善操樹皮小舟男

女鼻端喜懸獸骨或以金屬品爲飾魚皮爲衣（印第安人居極寒
地者外著重裘以魚皮爲裏衣）門外各樹長竿等特別習慣均與

黑斤人相似則無兩洲隔海異處美洲舊主人之紅種淵源於黃種之
通古斯族未爲無據近梁啓超游美洲筆記云墨西哥國境地層下曾

發現華文銅錢偶象陶器日本地學家阪本氏嘗列舉亞美二
洲大陸相連之證據如東三省之虎與美產同種亦其一例也

樺川縣 東北距省一千三百十八里

縣治土名悅來鎮初擬設治於東境倭肯河北樺皮川故名

(沿革)渤海以還爲純粹之靺鞨人所居

黑哲即靺鞨之音
轉再轉又爲黑斤

沿江爲

遼代生女真五國部地前清爲不屬佐領之黑斤人所居宣統二年設樺川縣於江岸佳木斯三年因水患移治悅來鎮今仍之

(形要)清代自三姓以東悉同甌脫縣境瀕江一面平原沃土比年

開道置郵已成通道音達木河

滿語音達
木旺盛也

北注松江佳木斯鎮扼

河之口爲江航之津埠下游農產集注江岸以轉輸於哈埠佳木斯實爲中繼地焉惜縣南猶是萬山重疊林業未興交通多阻正資他時之開發

附錄

五國城 宋徽欽二宗被金人拘留五國城至死未能回國今邊徼

次第開放按之書史其地望遂灼然可據古時滿洲本為城郭射獵

之國所謂五國部者乃遼金時生女直五部人所居其地原極遼闊

大約西起今賓縣東至富錦迄松花江北岸一帶悉其區域現在可

指認者賓縣蜚克圖河傍近為五國部沒撚部樺川縣治迤西蘇蘇

屯東為五國部普里斯幼卜尤城對岸江省湯原縣之湯旺河口為

五國部盆奴里國城富錦縣治西柳樹河口為五國部越里吉城對

岸沿江為五國部鄂里章城據武進屠敬山氏圖說屠氏於清光緒中葉著黑龍江省圖時繪有各古城地點

考金史本紀五國沒撚部叛遼鷹路不通陶溫水紇石烈部阻五國

鷹路執殺遼捕鷹使者陶溫水今江省湯原縣之湯旺河又穆宗乃使主隈禿答兩河

之民陽為阻絕鷹路云云武進屠氏圖志主隈今名札伊河在觀音山金廠禿答河今名圖勒河入江處在樺

川縣對岸 蓋遼時捕海東青在今江省羅北等縣五國部有警使者便難前往遼故置障鷹官於今依蘭地方然金人終以阻碍遼之鷹路致遼金交戰金遂興兵滅遼一鷹之微實繫金遼之興亡則又重要之歷史也

江省唐旺河上游一帶至今仍產鷹鷂前清於其地曾設鷹把勢多名捕鷹以進供行獵之用鷹品之最貴者曰海東青純白爲上尾毛可用爲扇高三尺餘喙如鐵鈎昔宋徽宗善畫白鷹宣和欸識宋徽宗凡

八年號爲宣和後世所珍關內無白鷹乃樂畫此其後卒置身五國

城確當遼金鷹路亦惡識也

富錦縣東北距省一千八百里

縣治富克錦站滿語作富替新即黑斤二字之轉音

(沿革)沿江爲遼生女直五國部地遼五國部越里吉城隔黑龍江與鄂里韋城相對前清

爲黑斤人本部光緒八年設協領一員編黑斤人入旂置公中佐領

以統治之宣統二年就黑斤人原建靉城設富錦縣治今仍之

(形要)沿江地盡平原倭肯窩集之山脈滿洲源流考作屯窩集經縣南斜

向東北境內山嶺無多依蘭以東可供耕墾之地惟此爲富航路自

哈爾濱以下佳木斯富錦並爲巨埠墾戶尤易招徠南帶七里星河

滿語七里星肉核也中有昂邦河滿語昂大也川原綺錯農利之饒已觀成績煤

鑛之利蘊蓄尤宏距縣二百四十里雙鴨山煤鑛價值與對岸鶴岡勢髣且利用江道運輸無阻

附錄

黑斤古城 縣境古代爲黑斤人部落之中點現在山荒漸闢而留

遺之城郭要以此爲最多計古城之壁壘完具者縣境內尙有多處

一名瓦利活吞

活吞一作和屯滿語城也

即五國部越里吉城在西與樺川縣

交界地北傍松花江建於嶺上蓋山城也一由此迤東百三十里有烏龍活吞今尚為黑斤人所居士名卡爾庫瑪又縣東南八十里有古城二夾七里星河南北對峙是河今與饒河縣分界故南城屬於饒邑實為最大之古城新來墾民但以對面城呼之前清之季吉林改行省時旂務處曾籌安插黑斤人之策計口授田十年蠲其租稅使之生聚據查在富錦縣境黑斤人四百餘戶較光緒八年仍不加多以所生子女多半死於痘疫生活上太猥陋故也

前清同治八年駐防理春協領訥穆錦以地廣戶稀曾派驍騎校博興往今樺川縣霍倫溝黑斤部召來部衆男女二百餘是人不改習慣冬服狍皮夏服答抹哈魚皮彈人即呼此種人為答抹哈人擬編為旗籍時值天痘流行死亡過半乃逃回僅剩十餘人居彈已六十年戶口亦無所增習慣與本地人仍各不同全特捕獵為生黑斤人一年戶遷居氣候較暖之地即患天痘患者輒多死亡黑斤人安土重

遷此亦重
大原因

同江縣 東北距省二千里

縣治土名拉哈蘇蘇黑斤語老屋之謂蘇蘇村屯也中俄界記作圖薩克

(沿革)金爲黑水靺鞨所居明季爲使夫部之黑哲喀喇所居清光緒初縣西三十里圖斯科一帶皆黑斤人部落清政府給以耕地稱恩撥地始由三姓副都統編之入旂分三佐領抽丁供役奈不嫻耕種仍是荒蕪三十二年八月設臨江州宣統元年升爲府民國二年改縣爲與奉天省臨江縣同名因改同江 十五年恩撥地已另行丈放

(形要)松花黑龍兩江交匯縣治控制其間實我東省東北之門戶由此迤東江左悉入俄領 我界女爾固對岸徐爾固爲俄邊重鎮 更扼中俄之邊要國

防重地無逾於斯但無山嶺倚爲險隘要塞未建邊備既虛四境淺

露無險可扼往歲中蘇糾紛之際海軍受挫縣城即危縣署退於西境向陽川

乃其前鑿固圉設防實不容緩沿江砂土淤積向皆水窪地現因蘆

葦叢茂漸變膏腴厥田上上惟東南至饒河西至富錦交通遠阻墾

戶尙稀縣治東至二吉力與撫遠分界道路未開中並有二吉力街津口大小橫河須架橋而渡西至古城子五十餘里沿江已有孔

道縣城漢民三百餘家黑斤人十餘家 十年生聚尙有待耳

附 錄

拉哈蘇蘇租地舊事 縣境綰穀內江扼松黑兩流之口清光緒二

十三年中東路着手之初俄監工向將軍延齡商借拉哈蘇蘇及三

姓北岸卸堆路料並借松花江北流一段停船清政府以東清鐵路

合同無此規定議駁而俄已自由佔用未幾俄商黑河輪船公司總

管霍瓦甫斯基求租拉哈蘇蘇荒地二段遂與訂章八條承租人除

公司外並有俄籍人

每畝地年納租金二十吊文初次以二十年爲限限滿可續租由將軍派員駐在界內經理稅

務章程中即名之曰租界

但曾載明此章祇算草約嗣被政府議駁謂外國商業

團體無在內地商租地畝者俄外交官乃以房屋已成爲言約俟中東路成拆讓旋逢庚子拳亂無人過問遂於佔地迤東建築兵房病院並設關樞稅三十二年省吏疊向俄領交涉該領以東海濱等省華人千萬亦享租地權利爲言並請續租十四年結果但撤稅關是處佔地適當江流轉折瀕江處寬七百零一沙繩盡屬要衝華商街市偏在西面市况緣此無能發展俄人恃作江輪往返給薪之所駐兵護輪民國七年夏始經收回佔地設立團部控制江航今對蘇聯國際上已成過去之歷史不生聯繫特摘記大略以備中俄外交之

掌故焉耳

撫遠縣

東北距省二千三百八十里

(沿革)明為使犬部之黑斤使鹿部費雅喀種人所居地宣統二年三月始設立綏遠州民國二年改州為縣十九年因與山西關外綏遠省同名改名撫遠

(形要)縣境三面隣俄扼烏蘇里黑龍江之口中俄耶字碑所在國家版圖東北盡此巖疆門戶乃東省第一外險但三角洲土地未能規復國際水道猶多紛議見本編國界篇無險可扼求援苦遠十八年九月

中蘇遠和之役蘇聯乘我不備猝攻縣城

縣署退於濃江溝內

首受其害縣

治在依力憂山東北荒陬乍啟氣象單寒

縣城商店祇百餘家民國二年墾植會調查縣城西

阻濛江東礙哈湯交通殊困勸得馬牛處克勒木山中間有橫岡一道氣勢團聚且與俄領伯力城遙對東道直通將來有移治之必要

清宣統元年俄商遵照中國鑛業條例呈准吉省官廳在馬牛處鑿取花岡石與訂規約十二條限五年內鑿石二萬古板(俄量)每古板繳國稅山分四盧布未屆原限即已停辦據報松黑兩江花岡石鑛此為第一農利惟沿江漸臻開發因低地宜稻之故鮮人侵入已多沙渚淤積變為腴壤但使交通既便富

厚正自無窮 三角洲內有平原七處如瓦盆密達子營等地亦膏沃宜耕

附錄

耶字界碑遷地記 清咸豐以前黑龍江南北烏蘇里江之東均我版圖祇因無人過問聽俄所為至咸豐十年結割地條約即以兩江為界豎木質界碑於黑龍江南日奔溝地方是處固控制兩江要地也後俄人乃私移於烏蘇里江斜向西南之青牛河北顧猶在烏蘇里江右也是為第一次移界嗣又越江而西移於烏蘇里左岸之包寶山復將山鑿平而木質界碑並已拋失是為第二次移界然包寶

山猶在黑龍江沱流之東距通江子尙遠乃光緒十二年中俄勘界
頃俄遽飾詞欺弄悞通爲同指通江子江汊即爲混同江因另立石
質界碑於江汊迤東數十年來江水衝激堤岸塌陷界碑行將倒入
江心俄更乘此又移植於通江西南三里之高阜用紅磚砌磴顧今
且并碑石而毀棄無存矣（餘詳國界篇）

黑龍江下游魚產 松黑兩江匯流以後江面遼闊波濤洶湧水產
之豐誇於世界不但黑斤人衣食所資且中俄與日本人之富源也
東海中有大魚長一二丈大數圍行如江豚之涉波頭有孔如鯨噴
水高一二丈訇然有聲黑斤濟勒彌諸族呼爲麻特哈謂此魚奉海
神使命送魚入黑龍江以裕民食者漁人每以江蛾爲捕魚徵候當
堅冰初融江面花蛾變白時麻特哈送烏互路魚入江及盛夏青蛾

初起送西里性魚入江秋後江面小青蛾再飛起送答抹哈魚入江而麻特哈至廟街即返還出口其毆魚以進也每三四爲羣各去里許逆流而上掀波噴浪蔽江前行日可行三四百里俄人於廟街地方初見魚羣輒電報伯利三日後則魚至伯利下四百里南星地方再閱一日則已過伯利達我撫遠縣江岸矣依此測計無或爽者此三項魚到時漁人於江邊水深數尺處多置木椿橫截江流椿長二三丈或四五丈亦有作方罱形獨虛沿江一面者名曰閘槓於水平綫下又繫袋網須乘小舟取之每一閘槓日可得數千斤又或以圍網或以撒網一舉得百數十斤載回小舟舉家各持小刀臨流分割四片貫以柳條支架晾之以作全年旨蓄麻特哈巨魚濟勒彌等人先以爲海神使者不敢捕取近年迷信已除每江中風浪大作輒揚

富錦縣 沿革 形要

附錄 黑斤古城

同江縣 沿革 形要

附錄 拉哈蘇蘇租地舊事

撫遠縣 沿革 形要

附錄 耶字界碑遷地記 黑龍江下游魚產

饒河縣 沿革 形要

虎林縣 沿革 形要

附錄 志縣境交通

密山縣 沿革 形要

附錄 記興凱湖國界

方正縣 沿革 形要

穆稜縣 沿革 形要

勃利縣 沿革 形要

寶清縣 沿革 形要

濱江縣 沿革 形要

附錄 中東鐵路略史 志松花江航務

阿城縣 沿革 形要

附錄 金上京遺址 金源國書 會寧殘碑

珠河縣 沿革 形要

葦河縣 沿革 形要

延壽縣 沿革 形要

附錄 東路林場記

賓縣 沿革 形要

帆持义望魚遙擲又尾繫長繩俟魚力既憊乃牽至江岸而後剝割此技黑斤人皆最工當波浪平靜時亦乘小舟認取魚行水紋拋叉取之百無一失舟用樺樹皮爲之長丈餘寬約二尺首尾胥窄才容一人其快如風江中魚類如魴鱸鯉土人多生食之

麻特哈魚即遼金史本紀

所載之牛魚本草綱目牛魚生東海其頭似牛清一統志云牛魚出女直混同江大者長丈餘重三百觔其肉脂相間食之味佳又異物志云南海有牛魚一名引魚重三四百觔狀如鰻無鱗背有斑文腹青色知海潮蓋南海名引魚引字之義與黑斤人驅逐

羣魚說亦相合答抹哈魚產於江中長成於海復回江河而死故有往生來

死之諺其壽命祇一年每當暮春江河冰解小魚即乘流冰入海得鹹淡混水長大甚速立秋後輒又不食逆流而上并散入烏蘇里江直迄興凱湖中母魚追嚙雄魚之尾俗稱咬巡雄魚此時腹有白沫雌魚吸食而孕卵孵散晝夜追接遇灘石則泳游不去俗稱巡場漁

者於此恒多獲焉魚孵卵至盡輒陷身土穴中自死卵紅色大如豌豆小魚生後明年冰解遂又入海今同江撫遠之黑斤人專以斯魚爲食縫綴魚皮爲衣或加染繪儼如僧徒之百衲亦製爲履取一魚之皮編緝而成是爲魚皮靴吾人故稱其人爲魚皮韃子是種人不知歲月以此魚一度入江爲一歲焉俄人在黑龍江下游架蘇網數重醃作軍用食品西至我境同江一帶重重銜接凡分五六十區以魚類之繁稀定漁區之價值上者每區歲征十餘萬俄元每歲之春俄官以競賣之手續行之至今蘇聯國庫仍恃爲大宗收入日本人之在此承領漁區者逾全數之半近年與蘇聯政府爲爭執漁權曾啟重大交涉其關繫可知惟是江魚逆流而上處處截取至距海較遠漁產愈稀而我界撫遠縣以上秋後魚羣猶蔽江塞流盈尺之

魚棄置江岸殆無價值惜無罐製出售者但就岸傍爲池引水蓄魚
俗稱鮭魚圈入冬挂冰外運亦有醃製者以答抹哈爲多在邊民生計上要仍爲
亟待研究之端乃巨大之利源也

饒河縣

東北距省二千一百四十里

設治時縣治土名撓力河滿語禽鳥衆多地曰諾羅因諧音生義而
名

(沿革)明初爲尼瑪河地面後爲渥集部之諾羅路前清開國方略
天命元年八月招取南岸之諾羅路及使犬部之音達埠路是也音達

埠即音達木今樺川縣境之河流

清初以還爲三姓副都統所屬貢貂黑斤人所居宣

統二年創設饒河縣於河口嗣移至距口八十里之團山子今仍之
(形要)撓力河口爲省東大川縣境被山臨流適居烏蘇里江中點

東北至撫遠二百餘里沿江有橫岡岡畔多腴
溯河而上航途頗暢

由河口至烏爾根德可駛小輪
再上通密山富錦界能行風船
設險置防可與同江形勢互為犄角

移民開墾可供邊徼儲胥厥田饒沃惜墾戶以交通艱阻移入殊難

惟編江稻子農事漸興而擾於流氓
東邊有一種游民傳食農屯門很犯法盤踞累月不敢稍忤此風以

饒河為最近年已稍改變有齊勒欽最大林區而棄同榛莽
齊勒欽亦徒為私作七里星

種毒卉之煙匪盤踞其間徒衆千百恃險守隘自成部落官廳頻年

勤撫交困幸漸解散難告肅清祇以道路不脩地利開發終形遲緩

虎林縣東北距省一千九百里

縣治土名呢嗎河呢嗎滿語山羊也七虎林河滿語本音作希忽林

縣治在河左岸因名

(沿革)明為尼瑪河木倫河地面明季在烏蘇里江東為奇雅部江

東西亦爲木倫部

滿洲民族源流考居烏蘇里江兩岸者木倫部又東二百里居尼滿河源者奇雅喀喇考木倫河即今穆稜河

源流俱在江左尼滿河即今呢嗎河源流俱在江右清咸豐十年後江右地已割畀於俄

清宣統元年設呢嗎廳

旋以呢嗎河皆在俄界名實淆舛二年改名虎林廳民國二年改縣

(形要)縣治東臨烏蘇里江交通大勢已折入俄境我界轉蓬蒞自

封沿江岡巒起伏鑿岡爲井苦不得泉岡畔時虞水災故哈湯獨多

沿岸森林不成片段迤西自阿布沁河至外七里星河與饒河連接

乃得大林區焉但設險守國此爲要塞十八年中蘇違和之頃蘇聯

兵由倒木溝亮子河攻入縣城遂以失援坐困吾漢族蹤跡至此最

早

縣治西南有關帝廟額題嘉慶己巳重修是至近漢人居此已有百餘年

而至今墾民尙少

附錄

志縣境交通 縣治當烏蘇里江流域之中隔岸正對俄領呢瑪河

口境內大穆稜河北有七虎林河又北有山今縣治即在此山之上

土名下 河流環帶對岸俄境亦有一山臨江下瞰形勢與撫遠之伊

力憂山極似沿江山脉蜿蜒此焉結聚惟交通除烏蘇里江夏有航途冬乘冰轆外陸路祇有出縣西清和鎮轉達密山而谿澗縱橫橋梁未脩以故山深道蕪墾戶星稀往年人民如須他適必過江進呢嗎河溯河十五里至俄伊曼車站而後征途分南北由站南行五百四十里爲俄站雙城子繁盛爲伯力之亞凡赴密山者多由此下車反折向西北從陸路繞出俄境三百里快當別西十三里爲中俄分界入我界又鳥道七十里而至密山縣治自中蘇斷交至今假道已難故清和鎮遂爲虎密往來要道又縣治迤南當穆稜河入烏蘇里江之口是河亦省東大川特苦礁石太多河身太曲有待濬鑿耳

密山縣 東北距省一千三百里

土名蜂蜜山係清季開墾後之名稱縣治在山南

(沿革) 唐代渤海國為湖州地遼仍之

遼史湖州與利軍渤海時隸東京統軍司統縣一長慶

明初為松阿察河地面清光緒三十四年建置密山府

設治頃報部原作蜜山印

文願到乃改作從 山之密遂仍之 民國二年改縣

(形要) 縣境林

縣西南秋皮溝上掌黃窩青溝嶺皆極大林區省東稱最

鑛

興隆溝金黃泥河煤

漁

興凱湖屬

華界方面 漁產豐美

虞

以花鹿康達罕為特產

皆負絕東邊土質之饒勝於寧安

程稜河大

川半至五尺東南及正東由三尺半至六尺西北及東北更佳黑壤

不達三尺者絕罕

論縣境形勢襟帶湖山原極重要但兩面隣俄犬牙相接

邊綫延長至五百餘華里俄烏蘇里路廻環於外

烏蘇里枝線由溜江口站通至白綾

河南中俄交界處 而立老克屯 而我界反交通四阻具豐收之物產艱於外運但待

蘇聯之賤沽十八年中蘇衝突之頃蘇兵由當璧鎮二人班攻入半截河街我境遂無險可扼所望穆密鐵路完成北可吸收虎林勃利寶清三縣之糧餉而灌輸於東路不獨一邑之利東北國防前途之形勢亦完全轉變矣

由穆稜東北赴密山之路民國初年官署曾發卒開山奈梗於半道青溝嶺之奇險上下七十里水泉俱乏不終役而罷至十五年穆稜煤鑛鐵道通車重議開通自梨樹鎮西北循穆稜河南岸進行避去青溝嶺山隘路成以後殊便行旅又穆稜河從密山下達虎林縣境河中礁石倘經疎鑿亦重要之航途云

附錄

記興凱湖國界 縣境南以白綾河爲國界河小如溝秋令淺涸至無可辨認從前界綫在河南五十里中分興凱湖華俄各半西有勿賽氣河卡倫爲識及後卡倫廢失吳大澂勘界之役本未至此乃立喀字界碑於快當別之西北退五十里而爲今界然白綾河北約三

四里尙有小河一道今之界線更移在小河俄又強佔我三四里焉
此言西境之損失也當咸豐十年割棄松河察河南地時本劃河爲
界樹亦字木質碑於小龍王廟地方後水漲冲失廟亦坍塌至吳氏
勘界時欲在原處置碑俄乃堅拒終讓立河口北二百餘步此言東
境也於是興凱湖西東喀亦兩碑均非其昔湖之分界遂亦據此改
作斜直線計湖牀之爲我有者僅在北端得全湖三之一耳湖形橢
圓周五百里入松阿察河出倒木溝東注烏蘇里江其入江處僅有
一線河流曲折無數宣洩不暢故湖水淵渟無洪波巨浪由江入湖
之輪船向以東岸我界龍王廟清季擬於此
設臨湖縣西岸俄境紅土崖俄名
里薄

諾夫爲航途終點（餘詳上卷國界篇）

方正縣

東北距省九百二十里

縣治土名方正泡緣縣北有斜矩形之水泊俗稱方正泡而名

(沿革)明季凡牡丹江下游稱諾雷部

諾雷一說係鄂倫春之音轉

清光緒三

十三年設大通縣治於松花江北崇古爾庫站歸吉林省管轄宣統元年申畫吉江兩省省界凡江北地悉屬大通縣改隸黑龍江省因就江南方正泡迤南建設方正縣今仍之

(形要)東北瀕牡丹松花兩江

德墨里屯爲沿松花江船埠

沿岸葦草填淤土質

饒沃稱上腴焉西憑畢展窩集與延壽葦河等縣林區中隔大嶺故縣境森林猶少斫伐惟東赴依蘭不足二百里中間水淀哈湯幾居一半土名大小羅羅密尤形阻礙自來松花江南北岸交通大道出今依蘭縣境偏東爲行旅所不經所賴土地膏腴墾戶易集及移治以後郵傳往來已成通道地方繁庶情形亦隨之進展焉

穆稜縣 東北距省一千里

縣治土名穆稜河穆稜滿語本音作摩琳其義馬也史書作毛憐

達罕
駒也

(沿革)金爲女真別部世祖本紀拉必瑪察據穆稜水使阿里罕往撫之是也明設毛憐衛清初爲渥集部之本倫部宣統二年設穆稜縣今仍之

(形要)縣境居穆稜河上游河流縱貫中東路橫跨全境戶口漸繁

農利殊厚 縣境地質之構成肥土計佔十分之七砂土居二粘土居一其優劣視土壤上層之厚薄而分大穢廠一帶上層沃

壤厚及六尺厥田上上八面通次之大豆每畝可收三千六百斤小麥一斤六百斤實爲他縣所僅見惟在高地氣候較寒農利較遜 自

穆稜鐵路既通煤窰之利冠絕東省 日可出煤一千二百噸半 他時穆密

鐵路完成沿邊一帶之天產惟縣境握轉輸之樞紐前途發展殆無

限量特邊備不脩十八年秋俄騎兵由雙城子紅土崖等地侵入密山縣境經興隆溝越過青溝嶺南擾東路爲之戒嚴故籌計國防穆稜之重要宜首及之也

勃利縣

東北距省一千五百里

縣治原設四站嗣東移新街考唐書黑水靺鞨傳開元十年其酋長來朝元宗因拜勃利州刺史勃利名稱始見於此但現在縣境與唐時黑水靺鞨方域並無關涉設縣時命名取義似有悞

(沿革)清初是地與依蘭同爲和屯噶珊之野

縣在倭肯河南

清季墾闢較

晚依蘭俗語有荒裏荒外之分縣境向時悉名荒外地光緒三十三年始奏擬設置勃利縣及民國二年省府派員爲設治之準備六年五月實行設縣

(形要)縣境當牡丹江之東平原較廣為適宜農墾之區土脈膏沃

水陸通貫清李嘗開北路聯接依蘭以徠墾戶今已廢壞至水運則

有倭肯河之航途距縣治三十餘里特苦淺渚羅列僅行帆船縣治旁近

之二道河子小五站並龍爪溝諸處農業漸興龍爪溝在西南境近接寧安與縣治

中隔大山控制較難惟由大碾子河可迂道聯絡究以邑西村屯為密杏樹溝大小碾子河一帶金礦在馬

龍爪溝石炭鑛在龍爪溝游民開采尙無成績至森林則除北赴密山大道

百餘里間盡屬童山外在西境黑背老嶺一帶皆蒼蔚彌望

寶清縣東北距省一千六百五十里

縣治瀕寶清河設治時因以名縣

(沿革)清初為諾羅部地墾闢較晚光緒三十三年奏擬設寶清州

民國元年始設分防經歷隸江府今為同江縣三年改為分治員司法行政仍隸臨江

五年設寶清縣

(形要)縣境西傍樺川扼撓力河上游屯窩集山脈環帶西南兩面

故地勢以東北較低水土深厚殊宜農產民國四年東北各縣俱患水災縣境收穫獨豐接濟隣邑

水流環注以撓力寶石二河為大金砂馬蹄諸河為小沿岸皆可闢

水田不下三四萬响則無窮之利源也水道往來賴有撓力河之巨

川下達烏蘇里江運輸利便至南赴密山一路惜灌木尙未刊除林

中哈湯足礙行旅凍期以外商販鮮通屢議開闢藉招墾戶寶密距離二百

四十華里十八年勘測吉同鐵路前寶邑人民曾請路線由密山經寶清斜向同江謂此數縣乃未來之穀倉鐵道既通立可實現十九年又

有請脩寶密間碎石汽車道之議東北數縣之前途要以開發交通為命脈固世人

所公認矣

濱江縣北距省五百六十里

縣治土名哈爾濱其義滿語漁村也又說此地隔松花江對郭爾羅

斯後旗界

今江省呼蘭縣

蒙人以草甸遙望如哈喇因稱爲哈喇賓

據曹彝卿

說先生

(沿革)金爲上京西北畿內地清宣統元年設濱江廳同知所轄僅傅家甸一隅嗣劃雙城府東北境附屬之民國二年改縣

(形要)中東鐵路西出滿洲里國界接蘇俄西比利鐵路東逾綏芬河國界與蘇俄烏蘇里路聯絡由濱江南達長春則接南滿路直迄遼東半島逾江而北又爲呼海路之起點焉以言航運更瀕松花江之巨流水陸交通縱橫罅絡於斯綰轂故就東省論縣境實司南北滿洲之筧鑰就交通大勢論轉輸萬里要爲歐亞之通衢國內重要之海港惟上海陸路惟哈埠南北蓋並稱焉至縣境面積乃不逾二

千方里統觀全縣固偉大之市區也

附錄

中東鐵路略史 帝俄謀築西比利鐵路以聯絡遠東興工在前清

光緒十七八年同時烏蘇里鐵路亦經着手但欲聯絡兩路不外經

彼黑龍江左岸地以達伯利由彼沿海濱省南迄海參崴

海參崴咸豐間被俄

佔據後名爲烏拉奇哇司托克烏拉奇佔領也哇司托克東方也 工艱路遠適我甲午一役敗於日

本朝議聯俄彼乃以西比利線接展至我東省爲請光緒二十二年
遂與華俄道勝銀行訂東省鐵路合同此路既成可較繞行俄境縮
短六百公里且我境土地肥沃固霄壤也在我國滿洲里綏芬河間
幹綫凡長一千四百八十一公里光緒二十四年續訂合同又允接
造枝線起幹線中點之哈爾濱站以達經年不凍之旅順大連兩海

口俄人在哈首建兵房官舍廣徠工商全仿二百年前經營森彼得堡成法

今改名彼得洛格雷特

又以彼經營黑海岸阿疊沙埠之規畫建設大連海港並單獨宣布東路公司章程特予俄人以債票收入之擔保年息六釐之保息將中國主權完全毀損一以獎勵俄人東來投資殖民爲主情豈知路工開始更值清廷煽起拳匪之亂俄益以戰勝國自居先是路綫兩旁用地規定各十七沙繩半車站用地則視站之大小以定廣狹俄至是乃任便購佔又兩次要求展地故大站之用地輒及數十里又許不納地租久而彼乃視同租界行使政權侵駐軍警迄光緒三十二年日俄戰後訂立朴資茅斯和約俄允商取中國同意將長春至旅順之鐵路讓與日本中日遂又訂立東三省善後條約承認讓與之事由是中東枝綫自哈爾濱至長春爲止

及民國六年三月俄起革命帝俄顛覆東路公司俄坐辦霍爾瓦特乃宣稱獨立謀藉東路反抗革命新黨遂有黨人留金密結路界內俄軍冀圖逐走霍氏我國以俄方新舊黨派交闐境內勢將擾及治安遂將留金所部解散而霍氏仍是鼓動路工罷業冀圖保持舊俄勢力其時俄境西比利亂事益亟美日兩國聯合中國暨英法義等國乃有共同監管東路及西比利鐵路之提議我政府以東路在我境土力拒與西比利路并受國際干涉之主張結果東路護路責任由監管會議決歸我擔任舊俄之霍爾瓦特亦知大勢已去於九年三月間離哈赴北京去訖由是沿東路俄國新舊黨兵警悉數驅除時蘇聯勞農政府曾向我聲明於東路一概無條件歸還中國_{年八}已又宣布所有帝俄與中國所訂各約爲無效_{九年}二月同年蘇聯外長

又自伊爾古斯科通牒我外部申明前次宣言願將東路及他產業歸還中國毫不索償云云顧此項宣言我政府並未接受反由交通部與華俄道勝銀行訂立管理東省鐵路合同別設董事會主持路務九年十月至十三年中政府暨東三省政府始與蘇聯先後簽訂協定路務由中蘇雙方組設理事會監事會管理局分權掌管詎未幾北京上海俱以清除赤黨之故致中蘇國交發生影響十五年而東路管理局俄局長又復濫用職權時滋爭議至前歲更因哈埠蘇領館容共問題牽連俄局長地位之去留十八年六月惹起重大糾紛迄回復平和損失實多已

志松花江航務 松花江完全爲中國國內河流按照國際公例外船不能行駛因清咸豐八年中俄瓊瑯條約訂立時黑龍江將軍奕

山誤認松黑兩江匯口下之黑龍江爲松花江約內有松花江沿岸兩國一同交易官員等彼此照看兩國貿易之文俄遠征艦隊遂越進拉哈蘇蘇深入伯都訥游行無阻至光緒二十二年中俄東省鐵路合同成立俄輪以運輸路料爲由更形廓展自來江中本無華輪因是全江航利幾爲俄人佔有乃在今同江依蘭兩縣江岸購地堆料分兵守護又在賓縣侵佔兩處一曰新甸一曰烏爾河方正兩處一曰德墨里一曰瓜欄川在富錦者一曰富克錦在樺川者一曰佳木斯而東路公司沿江之輪埠則並有十餘嗣以帝俄覆滅中國航權於民國七年始臻恢復帝俄時代之強權同時消失十三年中俄奉俄協定次第成立劃清時代規定華輪於黑龍江下游至海口有通航權並許俄輪進松花江至哈爾濱爲航程終點除中蘇兩國外

雙城縣 沿革 形要

扶餘縣 沿革 形要

附錄 金得勝陀碑

榆樹縣 沿革 形要

五常縣 沿革 形要

附錄 記森林 吉林省已放森林一覽表


增訂吉林地理紀要卷下

武進魏聲鰈編

永吉縣

治吉林省城

縣治土名船廠滿語吉林烏拉吉林沿近之謂烏拉大川之謂乃沿江之義明季扈倫四部中之烏拉部東距吉垣六十八里沿松花江岸清設烏拉總管於此掌土物入貢之事今其地稱烏拉街滿語爲布特哈烏拉布特哈言狩獵也嗣後官書故名打牲烏拉乃譯義也船廠之說省志謂清順治十八年因征羅刹遣昂邦章京造船於此故名但康熙時楊賓所著柳邊記略有船廠舊城之說又言掘地尺許輒得敗木朽釘疑昔曾造船於此茲考明初永樂洪熙宣德三朝屢遣舟師遠撫東夷實由此出發（詳本編水道篇）造船之事或在



謂河似耳可洋攷
曾記有人解釋
此何惜忘書名
丁亥十月八日

無通航權利惟此協定成立後中蘇國際關繫未能圓滿蘇俄輪船迄未入我內江至華輪則更無駛入俄境經行荒寒地域之理故兩國航線至今猶各守界綫焉現計華船行駛於松黑烏嫩四江者輪船一百零一艘拖船數相等裝載量六萬三千餘噸船商凡三十六家年十月調查加入哈埠航務局之數至帆船在松嫩兩江者約有一千二百艘載重力約兩萬噸小帆船划船未計入云

阿城縣東北距省六百八十里

縣治舊名阿什河爲阿勒楚喀河之音轉又即金史按虎出水之音轉滿語阿勒楚喀耳也謂河流彎環形似人耳也

(沿革)兩晉時爲勿吉七部內安車骨部之故地遼時爲海古勒之地今縣東有大小海溝河海溝即海古勒之促音金爲上京會甯府元朝墟其地屬之碩

達勒達萬戶府明爲岳希衛阿實衛地清雍正四年置協領設駐防兵七年拆毀舊城移建新城（即今縣治）乾隆九年設阿勒楚喀副都統宣統元年裁設阿城縣今仍之

（形要）縣境東南多山與螞蜒嶺之森林系連接腴田極少東北地夾砂石亦爲瘠壤至縣治旁近即金源會甯故都右環拉林河左擁阿什河兩流夾注大江全境形勢故南高而北下沿近江河之冲積層西北西南一帶由黑土構成彌望平原尤饒農利且密邇濱江巨埠中東路線橫貫縣境爲運輸通道商貨四集行旅往來稱巨埠焉

附 錄

金上京遺址 縣南四里金上京會甯府故址土人名爲白城又似敗城北音無入聲二字易混也城西南斜長東北面皆縮進遂如凸

字中有橫牆一道址高丈餘四面有門傍皆有高臺內爲圓形蓋即當年之內城相傳雍正前城之樓堞以磚石砌成草長苔封甚爲完固嗣運去改築新城古迹遂湮城中心又有古城基址疑係當年之禁城其南門有土崗稍高現在城中已半成菜圃耕地者每掘出黃金碎如豆米亦有銀塊形似馬蹄至北宋錢與古銅鏡刀劍遺鏃之屬尤多現在城牆未盡剷除者尙土壘斷續隔十餘丈輒有戍樓遺址近年地下又曾得碧玉形之塊石嵌空玲瓏當爲古時燼餘入土所化可知是城宮殿必爲元人劫火所燼蕩也是處偏西又有小城一周約二里金史所謂明德宮或即其地是城之南有土阜二相峙各高二丈餘周二十餘丈乃係當年宮闕由兩阜中向北進有高阜數層每層高出二尺餘長約二十餘丈當爲乾元殿基也其旁土壘

斷續蓋即宮牆遺址耳

按許亢宗奉使行程錄徐夢莘北盟彙編俱有會寧記事徐云近闕去繼蓋有岡圍繞高丈餘皇城也至門就龍臺下馬捧國書自山棚東入棚左曰桃源洞右曰紫極洞中作大碑題曰翠微宮有殿七間甚壯額曰乾元殿階高四尺許階前壇方數丈名龍堰又金史皇統六年上以京會舊內太狹役五路工匠撤而新之規模仿汴京右所云傍有高臺中有橫洞舉以相證當年規制猶可髣髴焉

考金史獻祖徙居海古勒水始有棟宇之制遂定居焉天眷元年四月營建上京宮室止從儉省十二月新宮成及海陵遷都燕京正隆二年命會審府毀舊宮殿及諸大族宅第仍夷其址而耕種之可知營建之始規模本儉而天眷元年至正隆二年相距僅二十年更無增廓之歲月至金世宗大定間雖曾勅脩上京未必能恢復舊狀無怪觀其遺址庫隘不宏也

金源國書 史稱金源出自黑水靺鞨蓋即為渤海之遺族渤海被

契丹所滅其部衆乃叛入高麗後又次第渡圖們江西北居於琿春

河沿岸稱完顏部金史胡十門傳稱吾遠祖兄弟三人同出高麗今

大聖皇帝之祖入女直吾祖留高麗自高麗歸於遼吾與皇帝皆三

祖之後云云可見金源之族曾逃入高麗其先轉徙流離固未有文字也及金太祖始命完顏希尹仿漢人楷字因契丹字體合本國語製女真大字皇統時頒用小字後又設女真國學似當日推行頗廣今金史中虬字其義猶言色目也河南省城曹門外宴臺有金都統郎君修陵記碑陰之額鐫有爲利芑戊矢尖伏丟史卒早史十二字清麟見亭宴臺訪碑記稱碑刻於天會十二年時小字未頒其爲大字無疑蓋大字尙與漢字多同特其義各別耳又往年寧安縣西沙蘭站發土得古鏡背有俗牀啗二字此即金源之小字筆畫較繁特所謂因契丹字體合本國語而製字契丹字體果何形態今日流傳極少昨年熱河省林東縣西北白塔子村發見遼慶陵墓誌乃契丹文也摘錄數字以備考証杪。飴。鞞。敵。鞞。弼。矢。鞞。山。斥。鞞。勢。其文奇

特乃類漢字行書而繁複過之陶宗儀書史會要稱遼太祖多用漢人教以隸書之半而增損之製契丹字數千以代木刻之約云云蓋契丹字出於我國隸書女真字又胚胎於契丹亦猶日本用中國伊呂波等文製爲ナ口ハ之假名朝鮮更創製訶旨訶卜之諺文不過筆畫疎密異致耳要皆淵源於中國文字也至於有清同起東陲其國書何以遠徵遼金旁較日韓均不類似則緣清初達海製字係取元朝國師拔思巴所製蒙文字頭別加圈點拔思巴爲吐番人今康方之藏番卽吐番之後其傳述各異故有清國書絕無漢楷偏旁之結構矣

會甯殘碑 往年阿城縣白城掘地得六角石塔一截上刊云上京寶勝寺前管內都僧錄寶嚴大師塔銘誌字跡尙未模糊上書大金大定二十八年立石僧生於遼末天慶年間爲遼上京臨潢人蒙東

宮太后旨住興正寺敕賜紫衣等語

全文見金靜齋君
遼東文獻徵略

可徵金代崇

尚佛教之大概考東省古代佛學傳自高句麗高句麗之佛學則由

東晉苻秦派使齋經典流入及北魏與高句麗以遼河爲界大乘宗

風遂盛大灌輸

據日本稻葉氏
滿洲發達史

洎乎唐代屢頒佛書於渤海至遼

金代興幾有朝野上下皈依三寶之况金之帝姬郡主捨身爲尼之
事尤數見於史傳故遼金兩朝佛學淵源實有重要歷史惜乎現今
發現之金石殊少

民國紀元白城內又得一殘碑祇留百數十字因上下斷截不能成
文中有駢句云文教口於胄宗西眺辟離儒生盛於東觀蓋金之太
學碑也史載大定五年令明安穆昆子弟各就上京大學後又製女
真字專立女真大學世宗且曾臨幸上京獎導儒學錄此藉見中原

文教之東漸暨金源同文共化之蹟焉

珠河縣 東北距省七百里

以縣治南烏吉密河得名就中東路烏吉密站設治

(沿革)金屬上京路畿內地金史太祖本紀英悼太子葬興陵之側

上送至烏濟赫水而還是也 滿語烏濟赫為養育之義 清光緒二十八年於縣

屬中東路一面坡站設巡檢隸賓州廳民國二年裁撤五年丈放同

賓五常二十七處官荒十一年就已放官荒內西設烏珠河東設葦

沙河二設治員十六年就烏珠河設治局改設珠河縣

(形要)縣治附近羣山遙拱在盆地中點 平原積南北斜長計二十五里東西十里 北

環亮子河南帶烏吉密河東注螞蜒河之巨川中東路橫貫全境一

面坡站近接縣街扼東山之口尤擅形勝 自坡站以東便為老嶺山脈盤鬱之地土人相稱逾

站即爲進山故站東地概稱
之爲東山裏站街亦稱山口
幅帽較狹近年平原以外之山林砍伐漸盡惟農利之興猶須有待
耳

全縣墾熟地不及三萬晌已
放之荒未墾者尙十倍之

葦河縣東北距省八百二十里

縣治南當葦沙河螞蜒河匯口就中東路葦沙河站設治

(沿革)金爲上京畿內地明設螞蜒河衛清乾隆朝屬阿勒楚喀副
都統管轄光緒五年設賓州廳縣境爲賓州轄地二十八年劃東南
境設長壽縣即改屬長壽民國五年丈放同賓五常二十七處官荒
十一年由已放官荒內東設葦沙河西設烏珠河二設治局十六年
就葦沙河設治局改葦河縣

(形要)縣東崇山外障屬於張廣才嶺系之北榦稱老嶺山脈故全

縣地勢東高而西下境內以螞蜒亮珠河等大小河川悉向西注雖無航行之便而中東路橫貫縣境輔以旁行之林場鐵路實具交通之利昔本森林地帶近年砍伐漸盡木葉腐積化爲膏腴黑土深及五六尺山巔亦多有黑土盈尺者土深而鬆水壅不流是名爲甸到處俱有引渠溉田尤大利所在但農墾待闢已放荒地四十餘萬畝墾熟者祇萬餘畝他時之發展正未有量耳

延壽縣

東北距省八百六十里

縣治舊名螞蜒河又名燒鍋甸子螞蜒滿語肘也謂河流灣抱如人肘也

(沿革)金屬上京路清光緒八年設燒鍋甸子巡檢屬賓州廳二十八年改設長壽縣民國二年因與四川省之長壽縣同名改名同賓

嗣公文郵遞每與隣境之賓縣相混因取縣境山有長壽河有螞蜒於十八年定名延壽

(形要)老嶺山脈蜿蜒北走環帶縣境之西與賓縣爲界而畢展窩

集起頂爲高嶺子之高峯

屬葦河縣

餘脈亦層巒峻聳屏障縣境之東

故東西地勢皆高亮珠長壽烏金密等衆水交流悉入縱行之螞蜒河而北注松花江縣治附近實爲盆地迤東及西南一帶沃饒宜農而河瀕水際草甸尤多水田之利惜仍荒棄未興自葦河珠河設縣南境改屬中東路已不經縣界交通仍形利便東西嶺麓之森林猶稱樹海富源未啟也

附 錄

東路林場記 中東鐵路建築之初凡路用材料悉取之鐵路附近

山林清光緒二十三年吉省將軍延茂議徵木稅俄人以東路合同有用料免稅之文否認繳納久始訂立砍木章程由省垣交涉局附設木植公司徵納票費估徵百分之八如係外售再加徵一成准中俄人民領票進山砍木顧並無區域限制二十九年乃有交涉局總辦周冕擅與公同簽訂砍木合同喪權特甚三十四年遂派員更訂正式砍木合同指定地段計吉省爲石頭河子高嶺子一面坡三處江省爲皮絡依火燎溝兩處內有路用敷餘之木植外賣按通行稅則繳稅各規定由是以路用緣由蛻變而爲俄商事業中東路局在上述指定地段內迄未直接經營而華人勾結假托糾葛叢生遂成弊藪其時省當局不明利害并准俄林商脩築運木專用鐵路自一面坡站起東至橫道河子站北向之岔道四南向之堽道二長至百數十或七八十

華里俱與東路接軌大概畢展窩集之西南麓與螞蜒嶺之北麓多已砍伐在林木砍盡地方所建岔道不撤原領林商且坐抽炭稅山份無從究詰至民國四年省當局始令停止放領設木石稅費局於濱江兼徵羊草花岡石稅從事整理計在東路旁近阿城珠河葦河穆稜等縣境內共放出二十七段屬華商者五處餘盡屬舊俄僑商承領現在按年領照砍伐者僅十四段餘多停砍或林木已經砍盡經官廳丈放給民領墾矣

賓縣

東北距省七百里

遼志賓州懷化軍節度本渤海城統和十七年遷冗惹戶置刺史於鴨子混同二水之間松漠紀聞云契丹徙置翁舍展國於黃龍府南百餘里曰賓州州近混同江又云自上京百五十里至拉林河一百十里至賓州按遼時鴨子河即伊通河黃龍府即今農安縣以今圖

証之遼賓州應爲今德惠縣東北瀕江之地介居伊通松花二水間試再以道里計之從當日上京會甯西行至伊通河匯入松花江處亦適符二百六十里之數地址本極明顯清代於本縣設治時徒悞於松漠紀聞州近混同江一語遂沿用此名不知東西相去差以千里矣

(沿革)遼屬五國部之沒撚部金爲上京會甯府東境明爲費克圖

河衛

滿語費克圖罅隙也今蜚克圖站爲縣西與阿城界河

清光緒六年建築土城於葦子

溝八年設賓州廳同知宣統元年升爲府民國二年改縣

(形要)層山如重闔障隔東境是山之脉南連五常與蛟蜨嶺森林系縱接環帶北行直迄松花江岸境內河流交貫農業適宜墾闢年久戶口稱盛惜無大川利便輓輸以夾板河口新甸爲江運之巨埠

河流亦較長餘如海里渾河烏爾河蜚克圖河雖俱見金史實溯水也

烏爾史作烏爾呼河

全境之水盡北趨匯注大江

雙城縣

北距省五百里

吉林外記雙城堡舊名雙城子拉林多歡站西北有東城子西城子兩古城相傳爲金代所建相距甚近

(沿革)金爲上京路之西南境

許亢宗奉使行程錄渡拉林河至矩古貝勒寨遼河寨布達寨皆在今縣

境內金時之台站名也

元時爲廢地明爲阿憐部清嘉慶十九年因安插駐京

滿洲八旗實行屯墾置協領隸阿勒楚喀副都統光緒八年設雙城廳通判宣統元年升爲府民國二年改縣

(形要)縣境北臨松花江西南倚拉林河背江面河氣勢完固四望平原挽輸便捷灌溉適宜農利稱最故前清之初即已耕墾爲就農

產航途之交利就拉林河口設置官倉

始康熙朝征羅刹頃以儲軍食

其後清廷擇

地輿墾量移駐京滿旂開荒列戍寓軍政於屯田設置協領管轄遷

民是為本省移墾之嚆矢

將軍富俊躬自規畫計東起阿什河西南均限拉林河定為墾區以五戶為屯五屯

為村合若干村堡編為一區凡分左右中三區屯堡距離道路遠近

備戶各有耕具炊具之儲供雖箕帚之屬亦給自公家其待遇亦尤

殖漸臻豐厚為亦為文化早著之地現在中東鐵路斜貫縣境糧產

輸出繁盛柳邊以外稱上腴焉

扶餘縣西北距省六百里

縣治為伯都納新城蒙古語布都納鶉鴿也清初伯都納台站為西

通蒙部之邊驛康熙三十三年另建甯城於站南別於舊站因曰新

城

渤海之扶餘府係今農安縣界非縣境也

(沿革)遼爲寧江州

景方昶東北輿地考略及金靜盦君遼東文金獻徵略均考定爲今扶餘縣西石頭城子站

滅遼大捷於出河店爲肇基王迹於此置肇州

州治在伯都訥城南舊名出河店今名珠

赫城見通鑑輯覽宋政和四年註今黑龍江省乃取金代地名而置肇州於嫩江右岸實悞

明初爲三岔河衛後

被蒙古侵入爲錫卜挂勒察兩族本部康熙時移住盛京清廷撫定

蒙人設伯都訥站於訥爾渾之野始畫江爲境康熙三十三年設副

都統官雍正五年設長寧縣乾隆元年罷縣二十六年置理藩院蒙

務主事以理蒙事嘉慶十六年改設伯都訥廳同知光緒八年移設

孤榆樹屯增設巡檢於此三十二年設新城府民國二年改新城縣

三年因與直隸新城縣同名改定今名

(形要)嫩江西匯洮河納於松花江松花江北行至此勢爲攙奪二

江既匯遂直向東趨形成曲尺縣境三面臨江爲江水冲積層川原

廣衍廓然平野農漁之利實溥在昔遼朝於嫩洮匯流之處建長春離宮爲常時游宴之地金源伐遼之師自會寧東來淶流河西岸遂爲兩軍決戰之場遼金興亡由是而定於歷史上蓋有重要關繫焉在清初藉松花江爲滿蒙界線設險守國以滿制蒙故駐副都統於此恃爲重鎮今江外蒙疆徧置縣邑雖形勢已更而中東鐵道經行東境建有松花江之鐵橋平夷洞達扼江航陸轉之咽喉以一隅之地而交通輻湊四面引帶仍省西要區也

附錄

金得勝陀碑 金得勝陀碑吉林通志載其全文道光三年旗員薩英額所錄也吉省境內現今遼金金石留遺至鮮惟舒蘭縣小城子完顏希尹碑與此石屹然尙存光緒十三年夏曹君廷杰摹拓數本

即將斷碣瘞於鼉巖南而置額於上今又四十年矣曾得拓本碑文磨泐者祇十二三字作率更體額題大金得勝陀碑六字篆額之黨懷英撰文之趙可金史皆有傳惟書丹之孫侯無之繫銜作咸平府清安縣令其官微矣拓本長官尺八尺五寸闊三尺二寸計此石高度必有丈許正面漢文三十行最長一行七十八字碑陰十二行女真字碑在扶餘縣東拉林河西距松花江四十里土人名其地曰石碑歲子拉林河西爲金太祖誓師處即金置肇州地也史載金祖伐遼進軍甯江州次寥晦城諸路兵皆會於涑流水

卽拉林河

金祖舉酒

酌國相撒改曰他日成功當識此地及戰大敗遼師遂名其地曰得勝陀云碑云大定甲辰駐蹕上都明年夏四月詔以得勝陀事訪於相府謂宜如何相府訂於禮官禮官以爲昔唐元宗幸太原曾有起

義室頌過上黨有舊宮述聖頌今若仿此刻頌建宇以彰聖迹於義
爲允相府以聞制曰可考大定甲辰爲金世宗二十五年金史未載
此事碑文可補史書之缺信然

榆樹縣西北距省二百八十里

縣治土名孤榆樹

（沿革）遼時爲女真契丹之國界

許亢宗行程錄過江四十里至呼勒希寨又東行五里卽有潰堰斷

塹自北而南莫知遠近界隔甚明乃契丹昔與女真國界也以地望相證卽今台站所經驛路金爲上京會寧西赴

賓州孔道置有巴達鋪呼勒希寨各驛前清嘉慶十六年裁撤伯都
訥城蒙務主事分設巡檢二其一設於孤榆樹光緒八年裁撤移伯
都訥廳同知治此因稱榆樹廳民國二年改縣

（形要）色齊窩集旁出之老嶺山脈至溪浪河東而盡

五常境英額

明初又清初劉繼莊著廣陽雜志內載清聖祖用台灣降將林興珠率水師出征羅刹造船吉林則爲康熙二十五年事非順治十八年也

(沿革)唐時渤海國爲涑州明初爲烏拉衛地明季屬扈倫族之烏拉部康熙十二年始建甄城十五年移寧古塔將軍於此以統治滿漢八旂雍正四年設永吉州

屬奉天府尹

乾隆十二年罷州改設吉林理

事同知光緒八年升爲吉林府民國二年改縣十九年因省縣同名

采用舊名爲永吉縣

現因省會劃爲市區有遷縣治於樺皮廠與烏拉街之議未經擇定

(形要)省垣山嶺環複江流轉曲擁抱迴護氣勢結聚誠天然之都會前清之初將軍所以移駐則以奉天陪都此焉近密便於控制又爲沿邊台站東西橫接故改建都會於驛道之衝但就全省形勢而

論似稍偏於西南

咸豐朝割棄東海沿岸以畀俄人未始非將軍遷駐致東北空虛之故與黑龍江將軍自瓊瑯而遷

墨爾根再遷卜奎致割棄黑龍江以北之地蓋同一失敗之由

顧今則吉海吉長吉敦三路既成吉

計同畫線終將實現交通四達縮轂於斯儼然為東邊之重鎮政區之中點焉

附錄

自開商埠緣由 光緒三十一年日俄戰事告終中日訂東三省善

後條約計自開商埠十六處吉省有六

吉林長春寧古塔三姓琿春哈爾濱

吉林其一

也省境之有商埠始於是約清宣統元年因於東萊朝陽兩門外區

畫埠地南迄松花江東至蓮花泡縱橫十餘里編訂租建警察各章

惟東省各埠均係約開性質該約有埠章須與日政府接洽之文至

今租建各章尚未與日公使正式協定但領事裁判權收回以後國

嶺西出之山脈沿松花江迂迴北上至柳邊法特哈門而漸就平夷

舒蘭 縣境東環拉林河西南環松花江平原無極目農區地利之

饒省西稱最在遼金時代土性瘠薄拉林沿岸有同砂磧

洪皓松漠記聞過渌

流河而西寸草不生行人携水往還 今乃為上腴沃野豈土宜有遷變歟境內無雄關

巨嶺以為險要然橫午交貫郵驛旁通

縣南秀水甸子為西通蒙旗之首站

文化開發

亦推大邑

五常縣 北距省三百六十里

縣治土名歡喜嶺

(沿革) 遼時為阿延女真部其部長遼朝曾各錫官號契丹國志載

東南五節度即此明為阿憐衛南境清同治八年設協領於五常堡

東距縣治三十五里 光緒六年遷治於歡喜嶺建築土城八年設五常廳同知

宣統元年升爲府民國二年改縣

(形要)色齊窩集

即張廣才嶺

北出而西折環帶全縣東南兩面爲螞蜒

嶺雞爪嶺廟嶺諸高峯皆外險也自葦河珠河設治劃境改屬形勢

已有變更嶺外之森林已砍伐垂盡惟縣境各山以運輸艱阻尙多

保存農利以拉林河沿近最稱饒沃縣治位於河岸勢稍偏西

清季於縣

治南六十里設山河屯經歷西南九十里設蘭彩橋巡檢俱由廳轄

他時吉同路通軌縱貫全境材木

菸蔴之利山產之富將見逾於農業也

附錄

記森林 森林滿語窩集又書作烏稽漢有南北沃沮兩晉至唐有

扶餘勿吉明有野人衛之渥集部前見可知自古滿洲部落名稱無非

取森林之義所謂沃沮扶餘勿吉渥集者特窩集二字之音轉至沃

沮者第指林中有水而言緣森林所在障翳天日木葉腐積蓄水不洩輒成沮洳古人名其部族仍其本音特從水取義足徵觀察之適當現今行入林中者必携斧斫留符號於樹榦隨行隨斫俾歸途得尋踪而出即繼往者認樹上斧痕亦識途經否則日影不分迷途者常致餓死或爲獸食若林中藪澤俗名哈湯行人尤爲戒心沙土上掩儼同平陸俗稱此爲瞎眼哈湯過此者當視有草根而後投足否則陷身沒頂伴伍束手林中下隰之地遂生飛虻盛夏草長馬蝥萬億成團大者如蝗小如蜜蜂喙長四五分銳如利錐追逐驟馬螫吮其血毛片爲紅故馬行遇此畏其荼毒常頭搖耳扇蹄蹴尾拂終日不休奈昏昏四集多如烟塵驟馬被螫至憊不能舉其體頃間叢聚成邱則葬身其內矣人行故必携障面之皮屨但露兩目亦用厚氈

蒙被馬身夏日交通殆為斷絕吉省邊地商運一年中但賴凍期事
 業阻滯此亦重要原因據專家調查吉林墾殖調查會報告全省凡有四十
 八窩集跨連二十縣實業廳主管凡十七縣濱江木石稅費局管轄之沿東路林場縣屬見前大者周圍
 數百里或蔓延千里其間樹類自成區域各樹相距遠近若一以光
 熱由巔頂接受之故樹幹故直現今施用於技術上者在松花牡丹
 圖們三江流域凡有十六種軟質針葉類為紅松杉松泉松硬質針葉類為落葉松軟質簇葉類為白楊椴木青楊柳樹硬質簇葉類為橡樹水曲柳榆樹洋槐楓樹樺樹胡桃黃波羅(東路公司地畝課查報)宮室器械之材各
 有適宜云

吉林省已放森林一覽表

民國二十年七月編查
 表內林段屬實業廳主管在東路舊放二十七段之外

縣別	林場段數	總面積	出材	河流

永吉	濛江	額穆	樺甸	敦化	樺敦交界	敦額樺交界	延吉	和龍	汪清
六	三	二二	三一	一二	二	一	一〇	六	八
華方里 四三〇	四九六	四〇四三〇	五〇六八五	二〇一九八	四〇〇	八三〇四二六	八七二	五七五	九九〇
松花江上游惡河大小風門河巨林甚少	松花江源頭二道江 濛江縣與樺甸縣同為 吉省森林最富之區	拉法河蛟河	漂河富爾河	牡丹江	牡丹嶺為樺敦界嶺東北出牡丹江西出漂河 富爾河	漂河嶺為敦額樺三縣界嶺 出材河流同上	布爾哈通河	圖們江源紅溪河	大小嘎呀河

東 甯	密 山	虎 林	穆 稜	方 正	延 壽	五 常	甯 安	汪 琿 交 界	琿 春
二	一	一	五	七	一五	五	七	一	一
三五〇	一五〇	二〇〇	七五〇	一〇八七	一三四二	七五六	一三二五	二〇〇	二〇〇
大小綏芬河	穆稜河	大小穆稜河七里星河	穆稜河	牡丹江 螞蟥河	螞蟥河	拉林河	牡丹江	青松嶺為汪琿兩縣之界嶺嶺東出琿春河嶺西出嘎呀河	琿春河(即紅旂河)

說

上列河流除布爾哈通河紅溪河琿春河嘎呀河屬於圖們江流域穆稜河及七里星河枝流屬於烏蘇里江流域綏芬河東出國界入俄領波森德海灣外其餘各河皆流入松花江

森林統系與山脈相聯但出材地點則係於山嶺之向背如張廣才嶺南林產入拉法河蛟河嶺北入拉林河嶺東則入牡丹江故森林系究以河流分晰爲宜即林區之優劣亦全視河流爲轉移如嶺北得河川之利森林砍伐已盡而嶺南仍爲樹海每有一株亦無從搬出者右表所記河流第舉大概

明

自序

鄙人賦性庸鈍自審非用世之才既來吉林獲侍枝江曹夔卿先生講席始留意此邦掌故常謂內省地理古今沿革前賢載籍考訂綦詳惟柳邊以外訓方之學偶有所知每爲創獲以故搜討記述興味較深而鄙人則苦於讀書不多茫無斬向也時在吉長報社擔任撰述備書餘暇輒爲筆記多述風土間亦稽引遼金史事民國乙卯掇拾成編名曰雞林舊聞錄體裁紊亂特備遺忘而已戊午歲略加編纂成吉林地理記要兩卷付印至今十四年矣歲月寢久研習未廢復展曩著錯誤累見世有通才無所著述者多矣況余無似更何必斷斷於是特以謂既留此稿自知未洽而任其蹉跎疵類終不慊於心每擬重纂迄無成就今春適樺川縣長唐君勵軒徵詢拙著囑印千部俾貽邑中學子乃竭數月之力遂卒斯業上卷全爲新著下卷錄存前稿祇十之四五餘悉取之數年來案頭之劄記雖曰增訂不啻創編抑有數言

應告語諸君者余爲此書力求去妄凡不敢深信者寧棄勿取如吉省各縣方里與未墾地近時書報登載里數各殊余竟無所據以資肯定他如地質地層之類夙昔未窺門徑若剽竊充篇誓不爲也然而本編訛謬之處知必不免幸地理狀況人所共悉閱余書者倘肯不耻下教糾余謬悞余當竭忱聽受俟有三版印行之機會必爲改正以供鄉校鄉土史地之參考似不無裨益若云獵取聲譽余意念中固無是也

民國二十年辛未八月初吉武進魏聲辭

內商埠俱無存在之理現今埠章有無已可不論

打牲烏拉考 前清時代吉省禁山俱屬隸於內務府而於烏拉街特設打牲總管一員管理四合霍倫舒蘭等處貢山又伯都訥有蘊梨貢山年采鯉魚花鹿松子仁蜂蜜而進之內廷專供清室奉先各殿祭品又有凉水泉喀薩哩及大通七處地則牧廠也吉林甯古塔伯都訥三處又各有官莊一處自道咸以來將山地魚圈晾網各地陸續開放悉成民產舒蘭於宣統元年並已設治及政體改革指定烏拉總管所轄今五常縣之四合霍倫貢山東至拉林河西至帽兒山南至萬壽山北至杉與在扶餘縣境內之蘊梨貢山東至九道城子西至三家子南至大方中正八井子北至雙龍山二處仍列入皇室私產

明季海西四部考 今日吉林省西南及奉省北界當明中葉以後

實惟扈倫四部之故土輝發故部在今遼寧輝發河北烏拉今吉林省東北六十八里之烏

街哈達哈達河西入遼河今威遠堡邊門內東南有古城即哈達故部滿人稱山之戴石者曰拉亦曰蠟山之銳者曰哈達今俗

語仍葉赫今伊通西南百四十里赫爾蘇鎮是也明人稱為海西衛

有之葉赫稍西有葉赫站即其建牙之所

又明與葉赫互市地在北關與輝發等部互市在南關故亦統稱四

部曰南關北關中以那拉氏之葉赫部亦作納蘭尤強大其壤地亦最得

形勢明人恃為中外大防以斷隔滿州愛新覺羅部之侵略及明萬

歷中葉輝發等部先後為滿州攻滅葉赫乞援於明萬歷四十一年葉赫貝勒錦台

什使告明曰扈倫四國滿洲已滅其三今復侵我必及明矣萬歷四十四年明朝四路援師皆敗

於撫順滿兵乃由開原衛北上攻破北關而葉赫之後援已絕未幾

遂亡明代邊禍自此中於遼西列戍防秋罷於奔命矣

長春縣西北距省二百四十里
增訂吉林地理紀要 卷下 長春 三 吉林吉東印刷社製版

縣治土名寬城子 遼營衛志鴨子河泊東西二十里南北三十里
在長春州東北三十五里王觀堂金東北界壕考云鴨子河即今松
花江鴨子河泊即今松花江西之科爾布察罕泊其西南三十五里
即遼長春州金長春縣之所在金承安三年置新泰州於此又景方
昶東北輿地釋略云洮兒河下流至將入嫩江處先瀦爲湖水道提
綱名納藍撒藍池此水遼曰撻魯聖宗太平四年改號長春河興宗
重熙八年始置長春州以水名建州在改名以後按以上兩說均
極明確科爾布察罕與納藍撒藍實一湖而異名也遼長春州金長
春縣治遂可定爲今江省大賚縣治旁近清嘉慶設治時沿用遼金
舊名而地點相差實遠矣

(沿革)元屬開元路元太祖遣弟哈布圖征郭爾羅斯部擒其酋哈

布圖後爲兀良哈部泰甯衛地十六傳至烏巴什遂分郭爾羅斯前
後二旗是地屬前旗清天命九年歸清嘉慶五年查有墾民二千餘戶
墾地二十六萬餘畝
因借前旗地置長春理事通判設廳治於新立屯南距今縣
治五十里道光五
年移於現在治所之寬城子光緒八年改設撫民通判十五年升爲
府民國二年改縣

〔形要〕縣境南扼伊通邊門東通省會出縣境三十里即坡陀起伏
果爾敏朱敦山脉沿柳邊蜿蜒北走是爲當年滿蒙之界劃邊外則
彌望平原自中東鐵路告成平夷洞達商旅輻輳逮日俄戰事既終
北屬中東南爲南滿此焉接觸自民國二年吉長鐵路通車是地乃
扼南北滿交通之衝爲關東巨埠長春商埠爲中日東省善後條約
自開商埠十六處之一清宣統元
年在縣治北門
外開放埠市境內農產亦冠於各屬

德惠縣 西北距省三百四十里

縣治土名大房身舊屬長春府時縣境爲沐德懷惠二鄉地

(沿革)與農安縣同宣統二年析長春府西北境置縣同爲郭爾羅斯前旂地

(形勢)境內驛馬沐石諸河紆迴北注左帶松花江水道縱橫農利最溥南盡柳邊中東路斜貫全境轉輸農產稱邊外之膏腴而平原草甸猶多荒棄他時水田盡闢尤大利所資

農安縣 西北距省二百六十里

縣治土名龍灣爲遼時之龍安城

(沿革)唐時渤海之扶餘府遼祖平渤海有黃龍見於城上改爲黃

龍府

遼史遼太祖所崩行宮在扶餘城西南兩河之間後建昇天殿於此按之地望正伊通河松花江匯流地今縣境江石碯附近

匯口處有小山一一統志及何秋濤朔方備乘均謂黃龍府有二唐人詩所謂旗鼓龍城龍城飛將之說乃指今熱河朝陽縣而言其地北扼盧龍塞晉前燕慕容銑所都和龍城是也其一即屬金濟州又農安大別言之可謂盧龍塞之龍城隆安一禿河之龍城

改為隆安府元初為金之上京殘破曾僑治開元路總管於此後徙遼

省之開原縣明初為伊屯河衛旁境後屬郭爾羅斯前旗光緒八年借蒙

地設分防照磨屬長春撫民通判十五年改縣今仍之

(形勢)境內盡屬平原當松花江左而扼伊通河之委流川原交錯

農利之饒同於德惠而魚產尤豐地勢之重要更居蒙滿咽喉遼金

時代為四戰之地明初大將馮勝破元太尉訥楚於隆安尤漢兵建

績於東北塞外最有光榮之歷史由吉林省垣西行七十里為樺皮廠五十里土門嶺二十里馬鞍山二十

里九台由此出柳條邊正西微北七十里雙山子又西北四十里郭家屯入農安界西北三十里萬金塔遺址二十里高家店二十里花

園由此入草地正北三十里卡侖木二十里郭爾羅斯前旗郡王府共十一站三百九十里

附錄

誌遼塔 遼志云龍安城在一禿河西即伊通河周七里四門今縣治尙仍遼之舊城外有塔亦名龍安塔塔爲遼天聖年間所建高五丈餘其頂已禿上多雕刻石佛吉省境內遼代建設惟此而已又縣治迤東伊通河岸有浮圖基土人稱萬金塔遺址就湮

長嶺縣西北距省五百二十里

縣治土名長嶺子渤海國長嶺府領瑕河二州景方昶云吉林西南五百里有長嶺子滿語謂果爾敏珠敦按東遼河發源於此渤海命名蓋取諸此所屬河州乃在伊通河上游一把單河是說與吉林外紀長嶺府在吉林西南之言亦合現今長嶺縣乃在吉林省會西北地望既差况全縣並無山脈名稱亦爲失據清季設治時乃就土

名長嶺子而定名者

（沿革）元明建置與農安同清光緒三十四年就郭爾羅斯前旂牧地設縣今仍之

（形要）全境平原無高山大川縣治迤北有沙漠地與達爾汗旗界東西延亘故春夏季候風從大漠吹來土脈乾燥農產遜於農安祇東南一帶墾闢漸廣西界遼寧省之開通縣爲四洮鐵路所經故縣境交通大勢重在西路

乾安縣

西北距省六百二十里

縣境位省垣西北屬於乾方故曰乾安並有借蒙地以安民之義縣治土名長發屯

（沿革）明代爲兀良哈蒙古福餘衛屬地清代劃松花江爲界綫內